


海錄碎事

政事禮儀部
鳥獸草木部

卷二十一
之二十二



善書

海錄碎事卷第二十一

宋

泉州太守葉廷珪

明

河南僉憲劉鳳

重校

政事禮儀部

官政門

霜滂

陳君賓為鄧州刺史時喪亂之後諸州並遇霜滂唯君
賓一境獨免

虎犹民

郭文能馴暴虎曰撫我則后虎猶民也虐我則讐民犹
虎也神仙傳

乘驛問政

後漢顯宗器重北海王與每有異政輒乘驛問之

政猶張琴瑟

新序曰臧孫行猛政子貢非之曰夫政猶張琴瑟也大絃急則小絃絕矣是以位尊者德不可以薄官大者治不可以小地廣者制不可以狹民衆者政不可以苛

左建外易

史記趙良謂商君曰教之化民也深於命民之効上也捷於令今君又左建外易非所以爲教也

霹靂手

裴琰之爲同州司戶叅軍時刺史李崇義初輕之先是州中之舊案百餘道崇義促琰之命書吏數人連紙進筆頃刻而就詞翰甚美崇義大驚曰公何忍藏鋒以成

鄙夫之過言是知名號爲霹靂手

唐史

吏安則人自靜

朱浮上書漢明帝云事久則吏自重吏安則人自靜

銓選門

三銓

吏部尚書一人吏部侍郎二人分爲三銓尚書中銓兩侍郎分爲東西兩銓

流內

通典曰隋制九品自太師始焉爲之流內

四才三實

具負故事吏部擇人以四才三實四才謂身言書判三實謂德行財用劬勞

百家譜

南史御史中丞王僧孺改定百家譜後王弘劉湛並好其書弘曰對千客不聞其犯一人諱湛為選曹始撰百家譜以助銓序

斜封

唐中宗朝安樂太平諸公主用事東西置兩銓恣行請託或有斜封受官預用來秋闕

甲午制

晉書王戎領吏部初為甲午制

賣官門

賣官

公革鬻爵賣官三代無有起於秦漢之權利

以貲為郎

張釋之與兄仲同居以貲為騎郎如淳曰漢注貲五百萬得為常侍郎

本傳

行錢

豪富郎或行錢得善部

楊惲傳

散侯

後魏明帝輸粟八千石賞散侯六千石散伯四千石散子三千石散男

冗官門

堂厨食利人

先是兩省以江淮富人給文牒周遊天下稱堂厨食利人諸道公燕居大將之上李德裕罷之

獻簪錄

竈下養

更始所授官爵或有膳夫庖人時語曰竈下養中郎將爛羊胃騎都尉爛羊頭關內侯公羊傳曰炊烹為養

赦宥門

需宥有三

國朝之制凡需宥三曰大赦曰曲赦曰德音宋元憲云德音非可名制書乃臣下奉行制書之名天下自為德音非也唐常袞集赦令一門謂之德音

牛車散載

留臺奏請收李彪孝文明無此事遣左右慰勉之聽以牛車散載送之洛陽會赦得免

德號

出德號省刑罰如言德音也

上林賦

迴霜收電

重蒙陛下愷悌之宥迴霜收電

陸士衡表

起偃為豎

起偃為豎化屍為人言減刑之恩如此

籥動

王充論衡赦令將至則繫室籥動

削丹書

苟削丹書得夷平民丹書罪藉也

陸士衡表

貢士門

白袍子

或有朝士譏宋濟曰近日白袍子何太紛紛濟曰由緋

袍紫

充秀州閭

劉瓛舉秀才與其父書曰此歲賢人充秀州閭可謂得人

署行議年

興廉舉孝歲貢于外署行議年日夕于

計考

詔曰今之計考古之貢士也

賦租門

奉公吏

何武弟顯家有市籍租常不入市嗇夫來商捕辱顯家顯怒欲以吏事中商武曰以吾家租賦不為衆先奉公

吏不亦宜乎

廩假

後漢入稅租助郡國廩假注廩給假貨者也

詬租吏

縣省司刑官戶乏詬租吏

叫租吏

叫租吏李賀詩

馬口錢

漢元鳳年詔令民無出馬口錢

口錢

宣帝行幸河東減天下口錢

橘柚稅

越多橘柚有稅謂之橙橘戶

戶口門

游戶

諸葛亮曰荊州著籍者少凡有游戶皆使自實

隱丁脫卒

上作通天臺未有人王仲舒為中尉脫卒得數百萬注
隱漏未為卒也

左戶右戶

北齊分戶部為左戶右戶左戶主天下計戶口右戶主
天下公私田宅課

朱出墨入

後周蘇綽始制文案程式朱出墨入及計帳戶籍之法

刑法門

攬撫

蕭何攬撫法令宜於今者作律九章乃著令

三尺法

客謂杜周曰君為天下決于不循三尺法注以三尺竹

簡書法律也 本傳

次骨

杜周為中丞大言重遲而內深次骨注云其用法刻深
至骨 本傳

秋荼

傷秋荼之密綱注荼葉繁密刑苛如之 王元長策
秀才文

誅始

幽執囹圄當為誅始 陸士衡表

俾之

李陵既頹其家聲僕又俾之蚕室音二次也 司馬子長書

科律

劉劭定科律作新令十八篇

僕區之法

左傳楚文王作僕區之法

正經三百

正經三百孔父創其威儀大法三千蕭何設其條貫

城旦春

前漢音義髡鉗為城旦春城旦者晝日伺夜夜暮築長城春者婦人犯罪不任軍役之事故但令春以食徙者

熏胥

蔡邕云下獲熏胥之辜前書云史遷薰胥以刑音義云相熏蒸得罪也

文致

以文飾咄致人於罪

一切之法

一時之法刀切物不容舒縮也

綱目不踈

劉公幹以失敬罹罪魏文帝問曰卿何以不謹於文憲禎答曰臣誠庸短亦由陛下綱目不踈

小加弘潤

賈充初定律令與羊祜共咨太傅鄭冲冲曰臯陶嚴明

之旨非僕闇懦所探羊曰上意欲令小加弘潤耳冲乃粗下意

長流

世俗呼治獄叅軍為長流蓋帝王世紀云帝少昊崩其神降於長流之山於祀主秋秋官司寇主刑罰長流之職故取秋帝所居為嘉名焉出家訓流一作留

鶴頭杻

隋書刑法志有鶴頭杻

法防

法防繁多則苟免之行興杜林之言

萬病丸

律有不應為法家易為附麗謂之萬病丸御史臺試補

一吏今斷索引法乃為不應為從重問之乃曰中丞要重則上下添雜端要重則旁邊注幕府燕閒錄

枷有三脫

王悅為蓋屋鎖將軍士犯令杖而枷之百日迺脫未百日脫者有三我死則脫爾死則脫天子之命則脫由是後無犯者國史補

孟青

侯思止謂決囚大棒為孟青朝野僉載

鬼薪白粲

取薪給宗廟為界薪坐擇米使正白為白粲皆三歲刑也西漢

五筭

海錄事 卷五
惠帝六年令女子年十五以上至三十不嫁五筭注漢律人出一筭二百二十錢唯賈人與奴婢倍筭今使五筭罪謫之也

欲腐

景帝中四年赦徒作陽陵者死罪欲腐者許之注宮刑也丈夫割勢不能復生子如腐木不生實

鈇左趾跌

敢私鑄鐵器鬻鹽者跌左趾注鈇足鉗也徒計反鬻古煮字

骹正法

皇帝骹天下正法而許大王甚厚骹古委字曲也

金選品

甫刑云罰小過赦薄罪贖金選音刷鍍也其十一銖卽一十五分

大辟

尚書正義辟罪也死是罪之大者故謂死刑為大辟倍差

犯槐刑

尚書正義其罰倍差者倍之又有差則不啻一倍也齊景公有所愛槐令曰犯槐者刑傷槐者死有醉而傷槐者且加刑焉出宴子春秋

令式跼人

令式跼人不可以成官政出河間王傳

具五行

海錄事 卷五

漢興大辟有夷三族之令當三族者皆先黥劓打左右趾笞殺之梟其首菹其骨肉於市謂之具五行韓信彭越皆受此誅

笞醫

景帝時當笞醫無得更人

藁草

楚懷王使屈平造憲令藁草未定上官大夫見而欲奪之不與因讒曰平爲令衆莫不知王怒踈乎

史記

李法

黃帝李法曰璧壘已定穿窬不由路者殺注李者法官之號也總主征伐刑戮之事故稱其書曰李法天文志左角李右角將

漢罪秦

言秦漢遷流罪人於南方以禦魑魅

金科玉條

金科玉條言法令也

洿瀦刑

洿瀦刑鬱沒之刑寢焚瘞懸沉之禮備負殺羊

魏後法巫蠱者負殺抱犬沈諸泉

麟趾格

後魏有麟趾格蓋律令格

權令

北齊定律令其不可爲定法者別制權令二卷與之並

行

大律

律周司憲大夫拓拔廸奏新律謂之大律

贖刑

書曰金作贖刑謂誤而入刑出黃金以贖

三居

書五流有宅五宅三居謂有三等之居大罪四裔次九州之外次千里之外也

門房

後魏有門房之誅謂其族屬

痕瘡

傳曰遇人不以義而見痕者與痕人之罪鈞惡不直也

以杖手歐擊人破其皮腫起青黑而無創瘢者律謂之

痕瘡音移瘡音鮪

玉科金書

玉科重輕金關墨綬金書去取更由丹筆謂刑法輕重在手也

桎梏

拳者兩手共一木桎梏兩手各一木在手曰桎在足曰梏中罪不拳手足各一木下罪又去桎也

黑索

縲黑索綯纒繫也古人有罪用黑索纒繫之

民在鬲矣

趙鞅鑄刑鼎著范宣子所為書仲尼曰民在鬲矣何以

尊法謂棄禮徵書也

十鼠空穴

三官駁鮑劾罪依律罰金二片帝大怒曰劾無活分而汝等敢縱之收三官以下付刺姦當十鼠同穴

里端之籍

無假里端之籍而惡子咸誅歌錄鴈門太守行云外行猛政內懷慈仁移惡子姓偏著里端謂以法令著於里問也惡子賊也

兩端

盧毓上論古今科律法宜一正不宜兩端使姦吏得容情偽魏志

誅戮門

懸首於木

懸首於木曰梟

漢書注

顯誅隱戮

羣談者受顯誅腹議者蒙隱戮

陳孔璋檄

改磔

景帝改磔曰棄市勿復磔注磔張其尸也弃市殺之於市取刑人於市與衆弃之也

斬首穴胷

今日斬首穴胷何知程李

灌夫傳

魚肉之

令我百歲後皆魚肉之乎言食噉之

灌夫傳

系頸蠻邸

惟身與嗣竟罹齊斧

桓溫贊

乘露車

陳制死罪將決乘露車著三械加拳手至市脫三械及拳手焉

白刃加頸

羗叛和帝問段熲熲曰狼子難以恩結唯當白刃加頸耳

獄訟門

揮鞞

王元長策秀才文或揚旌求士或設簾待賢注禹治天下以五聲為銘於箎曰教我以道者擊鼓以義擊鐘以事振鐸語以憂擊磬語以求揮鞞

棘林

棘林多夜哭之鬼春秋元命包云樹棘槐聽訟其下元王長策秀才文

歌雞鳴

于公少女緹縈詣闕歌雞鳴之詩上書救父元王長策秀才文

吏訊

卒從吏訊言下獄也鄒陽書

嬰金鐵

其次剔毛髮嬰金鐵受辱司馬子長書

圓門

抱痛圓門合憤獄戶李斯書

關三木

魏其大將也衣赭關三木司馬子長書

清室

絳侯囚清室七淨切司馬子長書

安南象

僉載安南有象能辨曲直有鬪訟者象顛之有理者即過無理以鼻卷之擲空中數丈以牙接之

夏臺

風俗通云獄曰夏臺殷曰羑里周曰囹圄賓王獄中詩曰端憂夏臺

杓虛

漢書勾園十星杓曰賤人之牢牢中星實則囚多虛則開出

若盧獄

前漢若盧獄屬少府後漢和帝置若盧獄官漢舊儀云主鞠將相大臣也

牢尸

獄閉也後漢書云終填牢尸

銀鑄

後漢董卓收崔烈付郿獄錮之銀鑄鐵鎖說文云銀鑄鎖也前書人犯鑄錢以鐵鎖銀鑄其頸銀音郎鑄音當

飲章

蔡邕被告下獄自陳曰臣為楚毒所迫促以飲章注飲謂隱也謂隱其告人姓名以問也章則表也

胥靡

楚王戊與吳通謀申公白生諫不聽胥靡之注胥相靡
隨也聯繫使相隨而服役之猶今之役囚徒以鎖聯綴
之楚元王傳

事白

張敖事白得出白明也

深探其獄

公孫弘疑淮南有畔逆計深探其獄注謂窮其根原也
淮南王傳

請室

白冠釐纓盤水加劔造請室而請罪耳注請罪之室司馬
子長書

證左

三長史使吏捕案張湯左田信等注左證左也謂之左
者言除罪人正身之外又取其左右者考問之也

書獄

張湯爲兒鼠盜肉湯取鼠具獄磔堂下父觀文辭如老
獄吏遂使書獄

造獄

律無妻母之法聖人所不忍書此經所謂造獄者也師
古曰非常刑名造殺戮之法王尊傳

無證之辭

告案無證之辭暴揚難驗之罪

共工獄

劉輔諫立趙婕妤囚於掖庭獄徒繫共工獄少府之屬

官也亦有詔獄 本傳

暴治理官

宜暴治理官與衆共之暴白也

丹棘

恨予在丹棘不得看素旗沈佺期在獄中聞友人死

頌繫

有罪當盜械者皆頌繫如淳曰頌容也言見寬容但處
曹吏舍不入陛牢也

畫地爲牢

畫地爲牢勢不可入削木爲吏議不可對 西漢司馬

園墻圉犴 皆獄也

斷獄門

日報

雖黥罪日報其執不止報論也

宿訟

宿訟兩讓而同歸疑獄得情而弗喜

奏當

奏當之成雖臯陶聽之以爲死有餘辜當謂處其罪也 枚臯傳

貞字署

有沙門訟田梁武帝大署貞字有司未辨劉顯曰貞字
文爲與上人帝忌其能出之

去酒省食

杜綏爲太常治諸陵縣每冬月封具獄日當去酒省食

海錄事 卷五十一
官屬稱其有恩

問平反

雋不疑尹京兆每行錄囚還母輒問有所平反活幾人耶有則喜笑爲飲食無則怒不食反音幡言幡罪人辭使從輕也

薦舉門

七薦

吳越春秋子胥與吳夫差王論兵七薦孫子遂以爲將

負朝廷

甄琛嘗謂朝士曰琛行不愧時但未薦李謚以此負朝廷耳

自同寒蟬

後漢杜密曰劉勝位爲大夫知善不薦聞惡不言隱情狗已自同寒蟬注寒蟬喻寂默也

推轂士

其推轂士及官屬丞吏誠有味其言也鄭當時傳

毀稱

京房曰古帝王以功舉賢則萬化成末代以毀稱取人故功業廢

議禮門

國客

象胥凡國大喪詔相國客之禮儀注謂諸侯使臣來弔者也

容典

後漢范曄論曹褒曰漢初叔孫通頗采經禮參酌秦法
雖適物觀時然先王之容典蓋多缺矣

先問儀適見對見門

九閣

後漢百官志漢家禮儀叔孫通所草制在隨律今在禮
官藏於九閣

東觀集禮

東觀集禮曹褒撰次自天子至於庶人冠婚吉凶終始
制度爲五十篇奏東觀集禮

禮家聚訟

班固欲廣集諸儒共議禮制度得失帝曰作舍道傍三
年不成議禮之家名爲聚訟昔堯作大章一夔足矣

曲臺記

七畧曰宣帝時行射禮博士后食爲之辭至今記之曰
曲臺記曲臺行射禮之所任彥十行狀

祭祀門

請比隣

後漢張忠署孫寶爲主簿遂祭灶請比隣

俎實

顏延年釋奠詩昭事是肅俎實非馨

玉衷

以薦玉衷以荅神祐顏延年

蘭湯

浴蘭湯兮沐芳華采衣兮若英九歌

電醮

千鐘電醮子曜反言酒醮如電疾也七命

酎金

漢武帝因八月嘗酎金令諸侯出金助祭所謂酎金也

上丁

釋奠通禮儀纂云上丁者取丁寧盡恭之意也

上辛

通禮儀纂云上辛必以辛者取其齋戒日新也

寓錢

寓錢據唐臨冥報錄自唐以來始用之謂之寓錢言其

寄錢形象于紙也

餼牽

殺之曰餼生致曰牽

魚菽祭

常之毋有魚菽之祭何休曰齊俗婦人首祭事言魚豆

者示薄陋無所有也

方明

太甲以冬至祀先王于方明注覲禮諸侯覲天子為壇

十有二尋加方明于其上孟康曰方明者神明之象也

以木為之四方尺畫六采東青西白南赤北黑上玄下

黃

熙事

熙事備成言福熙之事備成也漢志齋房歌

孝熙

大矣孝熙四極矣臻注熙福也 漢房中歌

迪嘗

登城南田百鬼迪嘗迪進也 房中歌

蕃釐見鬼神門

河龍共鯉

河龍共鯉醇犧牲注河龍夏之所賜者也供鯉給厨故

云

百末旨酒

百末旨酒布蘭生師古以百草花末雜酒故香具美事

見春秋繁露房中歌

新菜可洵

夏祭曰洵言新菜可洵也 尔雅

鬱金酒

梁元帝明堂齋宮詩香浮鬱金酒烟繞鳳凰樽 藝文類聚

鳳凰樽見上

會龍甗

日月會於龍甗注甗丁邁反十月時也國語日月會於

龍周家於是常祀也 東京賦

逆釐

感動天地逆釐三神言迎福於天地人之神也 甘泉賦

礼神圃

集乎礼神之圃登乎頌祗之堂為歌頌以祭祀神祗故

曰頌祗堂

頌祗堂 見上

擁神休

擁神休明尊號 甘泉賦

樵蒸

甘泉賦樵蒸焜上炬火也禮供祭祀之薪蒸粗日薪細白蒸

秘祝

文帝除秘祝注秘祝之官移過於下國家諱之故曰秘祝

祝釐

文帝詔先王望祀不祈其福右賢左戚先民後已令祠官祝釐皆歸福於朕躬朕甚愧之釐福也音僖

中霤

五祀門戶井灶中霤注古者完居故名室中為中霤

祠盛山

齊自太公以來祠盛山以迎日出音成

泮凍酒

秦并天下祠名山大川春以脯酒為歲禱因泮凍秋酒凍冬塞禱祠酒下故反塞音賽

竹宮

武帝用事甘泉圓丘天子自竹宮而望拜注竹宮去壇三里郊祀志

紫幄

紫幄注饗神之幄也帳上四下而覆曰幄房中歌馬社馬步

禮仲春祭馬祖仲夏祭先牧仲秋祭馬社仲冬祭馬步
檀柘移

一羞蘋藻驟移檀柘言移歲月也

神祖

白虎通共工之曰脩好遠遊舟車所至足迹所達靡不
窮覽故祀以為神祖祖者祖也即行之義

鴻祀

東晉哀帝欲與殿前鴻祀侍中劉遵言此唯出大傳不
在六籍劉向鄭玄雖為其訓自後不同前代以來並無
其式注以鴻鴈來為候或曰鴻大也

請晴

漢制謂祭為請晴服赤纁朱衣

十日

開元禮大祀中祀十日小祀筮日

齋禁

莫懷齋禁暫無聊謂差祠事也

天君

又祭天神號天君

元神

告成大報受釐元神天帝也呂安髑髏賦云奏元神下
告皇祗顏延年

祭器門

圭瓚

圭瓚鄭司農於圭頭為器可以挹鬯裸祭謂之瓚

盛盆樽瓶

臧文仲燔柴灶夫子譏之日盛于盆樽于瓶

死亡門

脩文郎

顏回死為地下脩文郎老杜詩脩文地下郎又云脩文地下深

典午

譙周嘗書版示文立日典午忽今月酉沒今典午謂司馬也月酉八月也至八月而司馬文王崩

下世

秦穆光下世三臣皆自殘曹子建詩

朝霜

天地無終極人命若朝霜曹子建詩

遺挂

潘安仁悼亡詩流荒未及歇遺挂猶在壁謂平生服用之物

九逝

九逝非空思七襄無成文顏延年詩

長夜臺

翼々飛輕軒駭々策素旗按轡遵長薄送子長夜臺陸士衡

溘死

寧溘死以流亡注奄也離騷

酒藏吏

戴洋死五日而蘇說死時天使其為酒藏吏

八威觀主

貞觀中西京道士張惠元忽謂門人曰吾被天書徵為八威觀主居數日無疾而終

羽翼幽沉

羽翼幽沉巧墁朽暗

百歲行人

百歲行人九泉歸客

九墟殘日

九墟殘日五達悲風

大夜

大夜銜輝窮泉漏澤

化死

莊子曰無怛化化死也

武檐石折

後漢武檐石折任文公曰噫西州智士死我乃當之後三月果卒

歲至龍蛇

鄭玄字康成病夢孔子告之曰起起今年歲在辰來年歲在巳既悟以讖合之知命將終注巳為蛇辰為龍歲至龍蛇賢人嗟

萬人墳

唐韋溫夢被攝一人曰彼墳至大功須萬人至期果卒

促界

悼賈傅之秀朗紆遠轡於促界

猿穴壞山

孔融臨終詩云河潰蟻孔端山壞由猿穴

上天衣

亡人座上作魂衣謂之上天衣

長殤

十六至十九為長殤十二至十五為中殤八歲至十一

為下殤七歲已下為無服之殤

終死

君子曰終小人曰死死之言漸也事卒為終消盡為漸

孩抱中物

王戎喪子悲不自勝山簡曰孩抱中物何至於此

載牛車

張湯死其母載以牛車有棺而無槨

三日霧

帝王世紀伊尹卒天霧三日

樹稼

唐書寧王憲病時寒凝霜封樹或以為春秋雨木冰即

此亦名樹稼憲曰俗諺樹稼達官怕吾其死乎果薨

白瑤宮

李賀卒母夢賀言上帝建白瑤宮令作記又剗疑虛殿

使某纂樂章今為神仙中人甚樂也物類相感志

金蟬質絹

李元忠卒以金蟬質絹乃得斂焉陸機演連珠

陸履亡簪

江漢之君悲其陸履少原之婦哭其亡簪

不慙遺

孔丘卒哀公誅之曰昊天不弔不慙遺一老俾屏 予一人言天不善于魯不早遺一老慙且也

絕命書

伍被謂淮南王曰臣竊悲大王棄千乘之君將賜絕命之書為羣臣先身死于東官也伍被傳

絕命辭

息夫躬初待詔數危言高論自恐遭害著絕命辭後數年繫獄死如其文本傳

物故

前以降及物故兄從蘇武還者九人注謂死也言其同于鬼物而故也

大故

含憂虞衷服之以大故注謂死亡也

綠雲迎

人吹玉簫去天借綠雲迎

松下塵

李白詩昔好盃中物今為松下塵言其人死也

屬纊

疾困屬纊以候氣注纊新綿置于口鼻也

破瓜年

談苑呂洞賓嘗謁張洎自言呂渭之後洎四子温恭倫

讓、爲海州刺史洞賓乃海州房贈洎詩云功成當在
破瓜年而洎以六十四卒破瓜乃二八是其證也

畏刑

死而不弔二畏壓溺王肅曰犯法獄死謂之畏尔雅曰
畏刑者也

七七

人死每七日然香散花哭盡哀而止盡七七而罷至百
日三年亦如之人皆奉佛之字同于天竺此林邑國也

舊草

何逝沒之相尋曾舊草之未異懷舊賦

歎逝賦

歎逝賦陸士龍作

大暮

寤大暮之同寐注大暮長夜也嘆逝賦

歸骨

終歸骨兮山足之死矢兮靡它寡婦賦

朝暮盞至

朝暮盞至握手何言恨賦

齋志沒地

齋志沒地注齋持也上

脩夜不暘

入脩夜之不暘言死上

寂蔑

殂落固云是寂蔑終如斯陸韓卿詩

不可為諱

恐卒然不可為諱謂死也司馬遷書

長逝者

長逝者魂魄私恨無窮上

早世即冥

誰謂不痛早世即冥誰謂不傷葉繁中零曹子建詩

菁華隱沒

菁華隱沒芳流歇絕顏延年詩

不愁留

愁魚斬反曾不愁留梁摧奄及

興山止簣

彼蒼如何興山止簣言死也

埋玉樹

庾亮死曰埋玉樹着土中使人情何能已

區區木

格乎上下者藏于區區之木光于四表者翳乎蕞尔之

土

喪弔門

弔客

吳志虞翻仲翔忤孫權徙交州死以青蠅為弔客

輟春

任助哭范雲詩輟春哀國均注秦五殺大夫秦人皆輟

春不食以思之

帶地川

逝矣經天日悲哉帶地川

留謁

夜臺無曉日沽酒與何人又一本云戴老黃泉下還應
釀大春夜臺無李白沽酒與何人

弔鶴

李白哭王炎詩海內故人泣天涯弔鶴來

葬送門

車千乘

劇孟母死客送喪車千餘乘

車萬兩

孔光葬送車萬餘兩

下里物

茂陵富人以數千萬陰積貯炭葦諸下里物昭帝大行
時方上事暴起用度求辨田延年奏言商賈或豫其方
上不能器物欲以求利非民臣所當為請沒入縣官注
死者歸葬蒿里葬地故曰下里

柩車

輜在庭設祖奠於輜東輜柩車也

執披

輜出升車執披有執前後披執縛者引輜出

聖車

將上葬主人乘聖車詣宅兆所

朱壽之器

梁商薨詔賜東園朱壽之器注壽器棺木也

空木

魂氣散何之枯形寄空木

葬近要離

衆葬梁鴻近要離墓曰要離古烈士伯鸞清高可令相
近

晨會

鄭子僑卒將葬公孫揮與裨竈晨會焉注會葬事焉

蒿里行

蒿里傳亦曰蒿里行

挽柩歌

雄露送王公貴人蒿里送士大夫庶人挽柩者歌之亦
呼為挽柩歌

送葬歌

左傳齊將與六戰艾陵公孫夏使其徒歌虞殯杜預曰
送葬歌也

聖周

禮記有虞氏瓦棺殷人聖周周人棺槨釋文音稷治土
為軌四周於棺

明旌

銘明旌也以死者為不可別已故以其旗識之

輕車介士

安世薨天子贈印綬送以輕車介士輕車戰車也

容車介士

祭遵薨賜容車介士出後漢

素旂

何以述德表之素旂曹植魏文帝詩

珠襦玉匣

漢帝及侯王送死皆用珠襦玉匣商芸小說

比葬七臨

馮素弗為宰輔及死馮跋哭之慟比葬七臨之素弗跋弟也

輶輅車

楊素薨給輶輅車班劔二十人前後部羽葆鼓吹

溫明秘器

裴叔業卒給東園溫明秘器

幅巾塋

張奐令以幅巾葬曰奢非桓文儉非王孫

疑笳

疑笳翼高蓋其声疑咽也謝玄暉詩

廣柳

龍幌板廣柳前驅矯輕旗禮記飾棺居龍帷振容黼幌
幌蒙也音荒在傍曰帷在上曰幌皆所以飾柳也與棺之車其蓋曰柳陸士衡挽歌

四葬

扶南國有四葬水葬則投之江流火葬則焚為灰燼土葬則瘞埋之鳥塋則棄之山野

薤露詩

中閨且勿誼聽我薤露詩死生各異儉祖載當有時陸

士衡挽歌

薤行

薤露歌亦曰薤行

靈輜

陸士龍挽歌舍爵兩楹位啟殯進靈輜喪車也音而

駟駟

陸士衡挽歌翼々飛輕軒駟駟策素旗按轡遵長簿送

子長夜臺

重櫬

嘆息重櫬側櫬楚觀切棺也

輜軒

索驂佇輜軒喪車也陸士衡

魂輿

魂輿寂無響但見冠與帶魂車也陸士衡

六紼

杜預要集凡挽天子六紼諸侯四大夫二士一

復土

復土漢書音義下棺訖復以穿壙土填塞故云

寧極

權相吳善注先生碑云寧極于露仙館寧極美墓也

埋一枝

九泉大夜埋吾一枝祭妹文

萬鬼隣

已化一棺之土將為萬鬼之隣四六集

卷三十一
三十一
瞻帷

瞻帷喪車之帷

就木

就木入棺也左氏云又二十五年則就木矣

襄事

襄事襄成也成其葬事左傳

輶車

輶車音溫本以開闔溫涼得名後遂專為喪車

鯖車

鯖音青喪車也殯則謂之輶車葬則謂之柳車

柩不入郵

唐法喪柩不得入郵

喝邊簫

謝希逸誄鏘楚挽於槐風喝邊簫於梅霧注喝鳴也

題湊既肅

題湊既肅虛筮既辰注題湊梯木向內也謝希逸詩

葬樂池

盛姬亡穆王乃殯姬於穀丘之廟葬於樂池之南謝希

逸誄

遵吉路

遵吉路兮凶歸

喪事淮約

喪事淮約用過乎儉蔡伯喈碑

會葬千人

陳太丘死會葬千人以上

塚墓門

汲塚

汲魏地也冢襄王冢也晉太康二年汲縣民不準盜發古冢獲書皆竹簡素絲編素一絲

冥漢君

謝惠連祭古冢號之為冥漢君

象初連山

霍去病冢象初連山本傳

過家上塚

岑彭南還津鄉有詔過家上塚

杳冥君

薛稷為杳冥君銘其略云時代攸徂寧窮姓氏久歇火風爰歸地水

柏下人

諸人共遊周家墓柏下詩云感彼柏下人

摸金校尉

曹操置發丘郎將摸金校尉所過墮突無骸不露

文冢

劉蛻文冢銘在梓州

叢鄉

富鄭公於徐州葬遺骸為一大塚曰叢冢有人過除夜迷失道入一村落居民甚衆問之曰此名叢鄉富鄭公所建乃其冢也青瑣高議

宮人斜

唐內人墓謂之宮人斜四仲遣使祭之見春明退朝錄

石押衙

汴都之南百餘里有周公墓、前一石人能為怪人或遇之多稱魯校書或石押衙洞微志

葬玉埋香

王溪編事王蜀時秦州節度使王承儉築城獲瓦棺中有石刻曰隋開皇二年渭州刺史張崇妻王氏銘文有深、葬玉鬱、埋香之語法書苑

石賢士

有田家毋於墓前石人下以肉祭之云此石人能愈疾故來謝人皆禱之疾多愈因號石賢士封氏見聞記

宿草

曾子曰朋友之墓有宿草而不哭焉注宿草陳根也師心喪三年朋友期可

神道

後漢中山簡王薨詔大為修冢坐開神道注云墓前開道

黃壚

選曹子建詩常懼顛沛抱罪黃壚注黃壚墳墓也

始寧墅

謝靈運有過始寧墅詩蓋其祖父所葬并有故宅

流藹

陸士衡詩悲風鼓行軌傾雲結流藹注流行藹蓋也

玄廬

重阜何崔嵬玄廬竄其間注墓也

萬鬼隣

陸士衡詩昔居四民宅今託萬鬼隣

白楊

荒草何芸芸白楊亦蕭蕭淵明詩

松銘

駕言出遠山徘徊泣松銘潘岳

狐兔塵

鮑昭蒿里歌声我長恨意歸為狐兔塵

哀隴

梁昭明太子作虞山招直治碑云遠望仙雍則高墳蕭

瑟旁臨齊女則哀隴蒼茫

黃坡

夫差女詩云悲怨成疾沒身黃坡

虎丘

闔廬所葬有金精之異故名虎丘

千人石

虎丘澗側有平石可容千人坐謂之千人石俗傳因生

公講法于此

埏中

埏音延墓道也

芻靈

芻靈草人也

榮瓏

上音榮墓域也秦晉間謂冢為壠

玉鳧

闔閭葬銅棺三重傾池六尺玉鳧之流扁諸之劍存焉
出越絕書

封冢

宣帝思張賀恩欲封其塚為恩德侯置守塚二百家師
古曰身死追封故曰封冢

裸體黃漢

溫韜在耀州發掘唐帝諸陵殆盡投代歸闕或憂其闕
乏其子曰使一裸體黃漢足了一年言得金偶人也

青松宅

鮑溶詩謂墳為青松宅

並枕樹

三吳記潘章夫婦死葬冢木交枝號並枕樹

福德田

史氏唐開元人也捨高原之田十餘頃為眾人葬地名
曰福德田

女正人

益州記荔枝灘東南山頂上有一塚唯生女正人郡國
志云焚道縣王女塚是也其縣屬戎州

民塚

在番禺縣郡國志云盧循襲廣州民死三萬循葬之共
塚名之曰民塚

宋玉墓

宋玉墓在宜城縣

青犬塚

青犬塚在寶應縣北十五里古老云漢時張氏好飲一日出市醉還倒臥草中野火作犬于淮水戰帶泥水四面展草火不能害犬力疲而死主人以家人禮葬之

蓬顆蔽塚

蓬顆蔽塚顆塊也言塊土上生蓬蓋小塚也

燕銜土

臨江閔王榮被徵自殺葬藍田燕數萬銜土置冢上百姓憐之

京兆阡

京兆尹曹氏葬茂陵民謂其道為京兆阡原涉墓之廼買地開道立表曰南陽阡人不肯從謂之原氏阡涉父為南陽太守故云游俠傳

方中

方中謂廣中也出前漢

銘旌志石

將掩壙施銘旌志石於壙門之內

掃墓望喪

後來之士立身從政縱不能為子高間以待封豈可令毋掃墓而望喪乎

古萋林

古萋林在下邳有大家冢徐君墓延陵掛劍處

塚成鱗

千年松柏下稠疊塚成鱗

旌表石

葭萌縣漢樂卿石羊墳有旌表無書字年號亦無

荒埏

暫啓荒埏長局幽隴墓中道也劉夫人墓志

魚山

陳思王植初登魚山臨東阿喟然有終焉之志遂營為墓

生冢

生冢在海康縣西北舊經云昔有人避難鑿池深千丈上累為冢下為隧道以入全家居之

行楸

岩岩雙表列列行楸行胡郎反楸墓也懷舊賦

柏森森

柏森森墳纍纍上

蔓草縈骨

蔓草縈骨拱木歛魂恨賦

昭丘

昭丘楚昭王墳也方言冢大者為丘

謚誅門

極其思致

何法盛晉中興書顏延之為始安郡道經潯陽常飲淵明舍自晨達昏及淵明卒為誄極其思致淵明詩

文君作誄

西京雜記司馬相如死文君為作誄

作誄者四十人

晉郗超死貴賤操筆作誄者四十人

柳下惠妻作誄

柳下惠死妻自作誄門人不能損一字列女傳

碑銘門

六作家

王績好與人作碑志有送潤毫者悞叩其兄右丞維門維曰六作家在那邊盧氏雜記

豐碑

公室視豐碑言視者時僭天子也豐碑者斲大木為之

形如石碑於椁前從四角樹之穿中於間為鹿盧下棺以絳繞天子六絳四碑前後各重鹿盧也禮

十五字碑

唐裴敬撰李太白墓碑銘云貴盡皆然名存則難乃予重官作李翰林碑十五字而已

作鎮石

秦王俊薨王府僚佐請立碑上曰欲求各一卷史書足矣何用碑為若子孫不能保家徒與人作鎮石耳

樹碑表墓

樹碑表墓昭銘景行蔡伯喈碑

石誌

吳均齊春秋王人曰石誌不出禮典起宋文帝元嘉顏

海鏡錄事 卷五
延年爲王琳石誌劉夫人墓誌注

中河墜月

齊文獻王嶷年四十九薨武帝勅王融爲銘云半岳摧
峯中河墜月帝流涕曰此正吾欲言也

不了語

老卒推倒退之淮西碑曰碑文有不了語謂不述李愬

瘞玉

瘞玉勒成鏤金垂烈

忌諱門

洛雜

漢以火德王天下都洛陽以洛字旁有水水尅火遂改
就佳

隨隋

隨以魏齊不遑寧處文帝惡之去走單書隋字

小小不具

符生有目疾其不足不具少無缺傷殘毀偏隻之言皆
不得道太醫令程延合安胎藥問人參好惡并藥分多
少延曰雖小小不具自可堪用生以爲譏已鑿延目出
而後斬之

詛盟門

銅棺誓

長沙有銅棺山湘中記云程普關羽分界於此共鑄銅
棺爲誓相侵者以銅棺着之

明誓

丹青著明誓千載不相忘 阮嗣宗詩

指白水

指白水而旌信援青松以示心絕交論

憂制門

承諱

文選揚荊州誄曰承諱切怛注云在遠聞喪曰承諱

編冠素紕

祥而編注云編冠素紕也紕避支反檀弓

徙月

是月禫徙月樂注言禫明月可以作樂上

草上殘息

草上殘息復遇今酷言丁父母憂也袁昂傳

孝隱士

何點字子哲居父母憂幾至滅性世以為孝隱士謂其弟徽為小隱士

服舍

易王薨未葬太子建嗣居服舍注倚廬聖室之次也

還賻

原涉父死讓還南陽賻涉父為南陽太守

聖室

齊纓服累塹為聖室剪蒲為席不緣

一溢米

父母之喪食粥朝一溢米暮一溢米注二十兩曰溢一溢為一升二十四分升之一也

倚庐墓所

由德懋丁父艱高祖降璽書曰知在窮疾哀毀過禮倚
庐墓所負土成墳宜自割抑以礼自存也

瘡巨鬻深

瘡巨鬻深不勝荼毒

實氣摧魂

實氣摧魂扣心泣血

衣裳外除

衣裳外除心哀內疚礼記曰親喪外除鄭玄曰日月已
竟哀不忘也李翰曰謂除脫衣服也

憂心如醒

長懷永慕憂心如醒

家艱

歷試無効且有家艱謂有父母憂也

順變

喪礼自初喪至終每變必異

內憂

內憂毋喪也

私艱

予既有私艱岳遭父憂故云懷舊賦

至艱

生人之至艱荼毒之極哀寡婦賦

苦席

易錦茵以苦席言居喪也同上

險釁

臣以險釁夙遭閔凶陳情表

倚庐

注倚墻至地而為之無楣柱也

起復門

外墨

張說姚崇碑敦踰起復衰麻林墨栾棘內變喪禮中權通識所貴

奪服

桓馬以母憂賜牛酒奪服

起令視事

李彪上言如有遭父母喪者皆得終服若無其人

有曠厥官則優旨慰喻起令視事但綜理所司出納敦奏而

已國之吉慶一令無預帝覽稱善尋施行焉

官舍設靈

傅咸繼母喪以無兄弟自陳詔乃使於官舍設靈

攝事

張華為度支尚書母憂詔令攝事決成伐吳之計

素甲觀兵

李雄母死欲申三年之禮任回諫曰昔武王素甲觀兵

晉襄墨經從戎

公除

宋庾蔚之謂公除是公家除其喪服

金革奪情

險釁

臣以險釁夙遭閔凶陳情表

倚庐

注倚墻至地而為之無楣柱也

起復門

外墨

張說姚崇碑敦踰起復衰麻林墨栾棘內變毀禮中權

通識所貴

奪服

桓焉以母憂賜牛酒奪服

起令視事

李彪上言如有遭父母喪者皆得終服若無其人有曠

厥官則優旨慰喻起令視事但綜理所司出納敷奏而

已國之吉慶一令無預帝覽稱善尋施行焉

官舍設靈

傅咸繼母喪以無兄弟自陳詔乃使於官舍設靈

攝事

張華為度支尚書母憂詔令攝事決成伐吳之計

素甲觀兵

李雄母死欲申三年之禮任回諫曰昔武王素甲觀兵

晉襄墨絰從戎

公除

宋庾蔚之謂公除是公家除其喪服

金革奪情

韋冲丁母憂俄而起爲南寧州總管詔曰知在難疚日
月亦多金革奪情盖有通式宜自抑割卽膺往旨

墨線從事

令狐熙丁父憂河陰之役詔令墨線從事

賻贈門

法贈

何並病作先令書以告子恢吾生素餐日久死雖當得
法贈勿受

賻贈

白虎通士貨賄曰賻車馬曰賻玩好曰贈衣被曰襚春
秋說題辭曰知生則賻知死則贈

出自机杼

後漢王丹其友人喪親丹懷縑一疋陳之主人前曰如
丹此縑出自机杼

百金祝

朱建母死辟陽侯廼奉百金祝注贈終者之衣式尚反
其字從衣

祭奠門

寒冰乾飯

顧憲之遺令云范史雲烈士之高亦奠以寒冰乾飯

祭幄七十

唐辛雲京葬中使及諸節度祭者七十幄

標月掩魄

海鏡略 卷五
韋冲丁毋憂俄而起爲南寧州摠管詔曰知在難攻日
月亦多金革奪情盖有通式宜自抑割卽膺往旨

墨線從事

令狐熙丁父憂河陰之役詔令墨線從事

賻贈門

法贈

何並病作先令書以告子恢吾生素餐日久死雖當得
法贈勿受

賻贈

白虎通士貨賄曰賻車馬曰賻玩好曰贈衣被曰襚春
秋說題辭曰知生則賻知死則贈

出自机杼

後漢王丹其友人喪親丹懷縑一疋陳之主人前曰如
丹此縑出自机杼

百金稅

朱建母死辟陽侯廼奉百金稅注贈終者之衣式尚反
其字從衣

祭奠門

寒冰乾飯

顧憲之遺令云范史雲烈士之高亦奠以寒冰乾飯

祭幄七十

唐辛雲京葬中使及諸節度祭者七十幄

標月掩魄

祖奠

輜在庭設祖奠於輜東輜樞車也檀弓

瓜表餘犀

瓜表餘犀犀瓜瓣也祭古塚文

絮酒一卮

會葬者屯車千乘懷賢者絮酒一卮

椒醕蘭羞

椒醕方新蘭羞將錯挽詞文

酸風

酸風去路遙鄭文肅挽詞王禹玉用李賀酸風

苦月

亭寒照苦月隴暗積愁雲裴將軍挽歌

釋巾

邢邵釋巾為魏宣武挽郎

寵悼

吳兢永泰公主挽詞畫綬哀榮備遊軒寵悼彰

白虎捧箭

許遠守睢陽有祭文云太一先鋒蚩尤後殿蒼龍持弓

白虎捧箭

華屋

生存華屋處零落歸山丘子建詩

楚挽

謝都督挽歌云楚挽繞庐

海錄碎事卷第二十一

海錄碎事卷三十一

飛鳥門

水穀公

共命鳥

老杜道林寺行云蓮花交響共命鳥釋氏書有共命鳥

二首而一身

結遼鳥

海錄碎事卷第二十二上

宋 泉州太守葉廷珪 類集

明

河南僉憲劉鳳 重校

鳥獸草木部

飛鳥門

水穀公

共命鳥

陸龜蒙詩一生無事煙波足唯有沙邊水穀公

老杜道林寺行云蓮花交響共命鳥釋氏書有共命鳥

二首而一身

結遼鳥

唐會要林邑國有之謂之吉了鳥能人語

海錄碎事

卷三十一

三

波斯鷺

波斯國有鷺鳥噉羊 出梁史

周周

周周尚銜羽蛩蛩亦念飢周周鳥名重頭屈尾飲于河則必顛常銜其羽然後得飲 阮嗣宗

歸飛翼

仰瞻凌霄鳥羨爾歸飛翼 陸士衡詩

聱聱

陸龜蒙詩魚鳥空聱聱左思賦魚鳥聱聱乃物蠢生也 上語彪反下魚乞反

摩天游

寒蟬在樹鳴鶴鵠摩天游 王仲宣詩

出林翮

遲遲出林翮未夕復來歸 淵明詩

鷲卵

鷲猶鷲卵始生翰毛鳥子也 口角反陳琳檄

木客鳥

異物志廬陵有木客鳥大如鵲云是木客化作鳥

庶鳥

龍生鳳鳳生鸞、生庶鳥

鷓鴣鳴

鷓鴣鳴日向南不北逃間鳴懸胡蘆繫頸

早夜

早夜晚鳥沉幽語歷刺烟皇露病梢 林逋詩

鳥曰

張祐詩杜鵑花發杜鵑叫鳥曰花生鳥曰啼

鷄頭鵲

東坡謝人牛尾狸泥深厭聽鷄頭鵲酒淺欣嘗牛尾狸
注蜀人謂滑、為雞頭鵲

好鳥

好鳥鳴岩肩吳筠與朱元思書自富陽至桐廬奇山異
水天下獨絕好鳥相鳴嚶、成韻

介鳥

雉介鳥也 尔雅疏

薄天飛

翔鳥薄天飛 選詩

晴交

鶴以声交鵲以意交鳩鵲以晴交而孕 尔雅疏

巢南枝

胡馬嘶北風越鳥巢南枝 選詩

風翔雨舞

爾雅疏風翔則風雨舞則雨霜飛則霜露翳則露注曰
風禽鳶類越人謂之風伯翔則大風商羊一名雨鵲鷓
飛則實霜露禽鶴也鶴之馴養於家庭者飲露則飛去

朝嘲夜啜

林鳥朝嘲水鳥夜啜 尔雅疏

野義豢搏

鴛鴦野則義豢則搏水鶯澤則羣擾則逐 尔雅疏

右掩左雄

爾雅曰鳥之雌雄不可別者以翼右掩左雄左掩右雌鄭時箋云陰陽下之義也

離渠

爾雅疏鴈鴒一名離渠頸下黑如連錢故杜陽謂之連錢

連錢見上

鳥擇木

鳥則擇木木豈能擇鳥耶左傳

沸河

禽經云淘河在岸則魚沒沸河在岸則魚出淮南子云鳥有沸波令大雕飛水上扇魚令出沸波攫而食之

鳩逐婦

語曰天將雨鳩逐婦蓋鳩陰則屏逐其匹晴則呼之

穀鳥

禽經鵲穀鳥也鷗信鳥也

巧婦

巧婦鳩性拙鷓性巧俗呼巧婦一名工雀取茅為窠至精密以麻紮之刺鞮然又一名鞮雀

鞮雀見上

脩鷓短鳧

沈約郊居賦秋鷺寒鶩脩鷓短鳧瀉瀉也

一宿鳥

毛詩傳鳩一宿之鳥箋云一宿者一意於所宿之木也

冠鳥

禽經冠鳥性勇帶鳥性仁纓鳥性樂冠鳥若鷹是也帶鳥若練鵲是也纓鳥若綬鳥是也

脂餅

舊說鳥雀尾上有肉高有穴者名脂餅每引嘴取脂以塗翅毛則悅澤雨露不能濡

一為鴟

禽經曰鶴生三子一為鴟鳩生三子一為鴟

蔥鷲

魯都賦綠鷲蔥鷲言鷲色青

韓朋鳥

搜神記韓朋大夫妻美宋康王奪之夫妻皆自死王怒

埋之其塚相望經宿忽有梓木枝連於上有鳥如鴛鴦棲其木人謂之韓朋鳥

青鷗

春山有白鳥青鷗執犬羊食鹿豕

報春鳥

顧渚山茶記山中有鳥如鸚鵡色蒼每至正月二月作聲云春起也至三月四月春去也採茶人呼為報春鳥

王母使

淵明詩
翩翩三青鳥毛色奇可憐朝為王母使暮歸三危山陶

蚊母鳥

江南有蚊母鳥夏月夜鳴吐蚊叢葦間又蚊樹枇杷熟

海鏡研事 卷三十一 則皮裂蚊紛然而出 國史補

重明集

祇支國獻重明鳥似鳳而小云能獲妖災國人每掃戶以望其集 拾遺記

三青鳥

龜山西王母有三青鳥主為母收食 出山海經

鷓鴣南翥

鷓鴣雖東西迴翔開翅之始必先南翥其鳴自呼薄杜又本草云自呼鈎輻格磔故李羣玉詩云方穿詰曲崎嶇路又聽鈎輻格磔聲 嶺表異錄

鬼車

鴉又名休鷓夜飛晝伏能拾人爪甲以為凶凶則鳴於

屋上故人除爪甲必藏之又名夜遊女好與嬰兒為祟又名鬼車又名魚鳥能入人屋收魂氣其頭有九為犬所噬一首常下血滴人家則凶故聞其聲則擊犬使吠以厭之休鷓晝日無見夜則目鳴陳藏器引五行書除手爪埋戶內此鳥乃姑獲鬼車之類也姑獲夜飛晝藏一名天帝少女一名夜行遊一名隱飛好取人小兒養之今小兒衣不欲夜露為此物愛以血點其衣為誌即取兒也 嶺表異錄

翡翠

廣志翡色赤翠色紺江淹翡翠賦云彼二鳥之奇麗

大蒼

馬融書晚秋涉冬大蒼出籠黃棘下兔毛以乾葵大蒼

鷹也

題肩

詩疏隼鷓也齊人謂之題肩

林鳥同心

林鳥同心池魚比目 梁元帝鴛鴦賦

一生分

金鷄玉鵲不成羣紫鶴紅雉一生分上

鷓鴣壓火

鷓鴣江東人家養之以壓火災故摯虞賦云見水則喜
睹火則憂

食短狐

臨海異物志鷓鴣食短狐其在溪中無毒氣

六紛員

漢房中歌云赤鴈集六紛員 注言赤鴈之數六也 員音

撥穀鳴

日出撥穀鳴田家催鋤犁 李白詩

五色毛

羣鳳憐客鳥差池相哀鳴各拔五色毛 意重太山輕李
白詩

吟晴日

谷鳥吟晴日江猿嘯晚風 李白詩

紅翠

皮日休羅浮山紅翠數聲瑤室響 注紅翠鳥名也浮山
有璇房瑤室七十二

孝順鳥

鄭箋鳩鳥之謹想者人皆愛之則是謹慤者孝順之鳥也

求偶鳴子

山鷄晨羣野雉朝雒求偶鳴子悲號長嘯

竹林

竹林靜啼青竹笋竹林鳥名也

媚蝶乳鶯

媚蝶乳鶯劉子儀

田鵲題鵲音第桂

臨海異物志題鵲也春三月鳴晝夜不止音聲自呼俗言取梅子塗其口兩邊皆赤上天自言乞思至當麥子

熟鳴乃止耳

車覆粟

論語疏公冶長辨鳥雀語云喑喑嘖嘖白蓮水邊有車覆粟車脚淪泥攢牛折角收之不盡相呼共啄遣人驗之果然

金吾鳥

漢武帝更中尉為執金吾師古曰金吾鳥名也主辟不祥天子出行職先導以備非常故執此鳥之象因以名官

杜宇

望帝禪位於鯀靈升西山隱焉時適杜鵑方鳴俗思帝思號為杜宇以誌其隱去之時或曰杜鵑望帝精魂所

化

苦姑

南海有苦姑鳥声如人音多懷悽愴異物志謂之苦鳥

黑鳥

夏小正云十月黑鳥伍黑鳥鳥也伍謂飛乍高乍下也

翡翠

張揖上林賦注翡翠大小如雀雄赤曰翡雌青曰翠

剛蟲

東京賦剛蟲搏鷲注鷹豺之類也

鴻儔鵠侶

鴻鵠羣飛故有儔侶蜀都賦曰鴻儔鵠侶

奇鷓

奇鷓九頭音倉鳥也江賦

雲飛水宿

雲飛水宿弄吮清渠蜀都賦

鳩鷓

鳩鷓鷓也

人舌

山海經黃山有鳥其狀如鷓青羽赤喙人舌能言注舌

似小兒舌

桑飛

鷓鷓方言曰桑飛

離鷓

鸞若離鷓鳴清池琴賦

薄天遊

琴賦眇翩、道薄天遊注薄迫也

思婦

思婦鳥名也

田鶴沙鴉

田鶴遠相叫沙鴉忽爭飛謝玄暉詩

蒿下飛

青鳥海上遊鸞斯蒿下飛阮步兵詩

排空

淮南子云鳥排空而飛

佩善芳

王元長詩序云佩善芳善芳頭若雄鷄佩之令人不寐

注遠國異鳥名

獨足鳥

梧州新寧縣所出啄脚皆赤藻縵相輝

金足鳥

出梧州廣寧縣羽翰如玉啄脚如金其鳥自呼商羊

自呼商羊見上

音声子

鳥名出興州百舌之類也

錦馳鳥

錦馳鳥出秋浦如吐綬鷄見李白詩

惜春鳥

惜春鳥大不踰燕其声曰莫摘花果人謂之護山鳥

海鏡碑事 卷五十五
擣藥鳥

不見其形但聞其声如杵臼敲磕人謂之葛仙翁擣藥鳥

雲韶部

雲韶部有二種亦謂之音声鳥

音声鳥見上

波鴻

波鴻水鳥也

鷗鷺門

鷺出鼓中

吳王夫差時有雙白鷺飛出鼓中而入雲也 古今樂錄

隨潮鷗

南越志漲海有鷗鳥隨潮上下

昆明鷺

樂府王僧孺咏鷺詩願識昆明鷺乘流飲復棲

鷺目成

變化論曰鷺目成而受胎鶴影接而懷卵鴛鴦交頸野鵲傳枝

絲禽

鯉錦衝風擲絲禽掠浪飛陸龜蒙詩絲禽鷺也

帶絲禽

帶絲禽白鷺也

葭下食

蘇子卿咏鷺云非貪葭下食懷恩自遠歸

春鋤

鷺一名春鋤步於淺水好自低昂故曰春鋤亦謂之獨春

燕門

吳宮燕

吳宮燕官人晉瓜以記更來

西飛燕

東飛伯勞西飛燕黃姑阿母時相見

僵燕

涸魚思雨潤僵燕望雷蘇李紳詩

差差燕

灼灼海棠誰復折差差燕子又還飛王禹玉詩

燕妬

范質云有二燕巢舍下其雌為猫所搏其雄別偶一燕哺食如故數宵諸雛墮地死剖之則有疾藜盈於嗉中蓋為繼燕所害凡有血氣者未嘗無憎愛嫉妬之心也

鷲鳥

燕一名天女一名神女一名鷲鳥

鶯門

黃袍

黃鶯一名黃袍

閔女歌

鶯唱閔女歌瀑懸楚練帔

蠻蠻

海錄萃事

卷五十五

十一

山海經崇丘山有鳥狀如鳧一翼一目相得乃飛名曰蠻蠻郭景純云此比翼鳥也爾雅謂之鵝鵝

黃鸝留

爾雅釋云離黃倉庚也鳴則蚕生毛詩草木疏云黃鸝留或謂之黃栗留幽州人謂之黃鶯一名商庚一名鷺黃一名楚雀齊人謂之搏黍關西謂之黃鳥方言云自關而東謂之倉庚關西謂之黃鸝留也

鶯簧

清淨酒蟻醅初撥暖入鶯簧舌漸調

鴻鴈門

點點鴻

江湖今日還勞結目送歸飛點點鴻林逋

旅鴈

旅鴈同洲宿寒鳧夾岸飛張正見詩

舒鴈

鵝一名舒鴈江東呼為鵝

客鴈

蘆洲客鴈報春來李義山

鴈囓囓

鴈囓囓而南游離騷

鴈子

太液池中鳧雛鴈子布滿克積

單汎

羣浮動輕浪單汎逐孤光沈休文詩

足蹠踵企

爾雅鳧鴈醜其足蹠其踵企足蹠謂相聯屬也

朱鳥

燕一名玄鳥鴈一名朱鳥

客南淮

往春翔北土今冬客南淮言鴈如此應德璉詩

鵲門

烏鵲南飛

月明星稀烏鵲南飛繞樹三匝何枝可依魏武帝

靈匹

雲漢有靈匹弥年闕相從謝惠連詩

乾鵲

乾鵲知來猩猩知往淮南子

嚮天一

淮南子云蟄蟲鵲巢皆嚮天一

鵲制蝟

蝟能制虎見鵲便仰腹受啄中其矢輒爛淮南子云鵲

矢中蝟

鳩鵲

後漢章帝條支國貢異鳥名鳩鵲高七尺解人語國太平則羣翔鳴焉

神女

鵲一名神女七月填河成橋

芻尼

海錄事 卷五十一
作七夕詩押潘尼字衆人竟和充成詩者僕時不曾賦
後因讀藏經呼喜鵲爲芻尼 許彥周詩話

鳳門

鳳十子

易林云鳳有十子同巢共懼以相保

鳳花臺鳥

幽怪錄柳歸舜泛舟巴陵風飄至一處有鸚鵡數千相
呼姓字有名武遊郎者有名阿蘇兒有名武仙郎者有
名自在先生者有名踏蓮露者有名鳳花臺者有名戴
蟬兒者有名多花子者又云吾乃鳳花臺鳥也

鳳靡鸞吡

鳳靡鸞吡百鳥瘞之注云鳳死曰靡鸞死曰吡禽鳥啄

土以瘞藏之尔雅疏

玉池津

朝食琅玕實夕飲玉池津言鳳也 嵇叔夜詩

瑞鷗

師曠禽經鳳亦曰瑞鷗盖瑞應鳥也

瑞鳥

又曰鸞瑞鳥注云鸞者鳳鳥之亞始生類鳳久則五彩
變易故字從變

雞趣

鸞一曰雞趣王者有德則見尔雅疏

錦鳳

軒渠國有九色鳥青口綠頸紫翼紅膺丹足紺頂碧毛

海金... 卷三十一
緗背玄尾名曰錦鳳其青多紅少謂之綉鸞常從弱水
西來或云是西王母之禽也

綉鸞見上

雙彩鳳

遙裔雙彩鳳婉孌三青禽以歡秦娥意復得王母心李
白詩

鳳圓

流沙之西丹山之南有鳳之圓圓古卯字

和鸞

鸞雌曰和雄曰鸞禽經

白鳳雛

有燕巢長數尺忽羣鳥翔集因毀巢有白雛飛出羣從

去又有燕巢中有赤光毀之一赤龍子長尺許鱗甲皆
具少頃故騰躍而去金華子

鳳凰子

王獻之詩客從北方來言欲到交趾遠行無他贖唯有
鳳凰子百金我不欲千金難爲市

烏門

窮鳥

何遜作窮鳥賦云望絕侶於霞端聽翔羣於日晚

三足鳥

家語曾子至孝三足鳥棲其冠

烏頭白

燕丹質秦求歸秦王不聽曰烏頭白乃可歸丹仰天嘆

鳥乃頭白遂得歸

雅鳥

爾雅云小而腹下白不及哺者謂之雅鳥說文字林皆云楚鳥是也

集庭樹

虞博為鄱陽令白鳥羣集其樹晉本傳

聞弦驚

太宗鳥詩近日毛雖煖聞弦心已驚

鳥性壽

舊說鳥性至壽三鹿死後能倒一松三松死後能倒一鳥

尾畢逋

漢桓帝時謠云城上鳥尾畢逋

麗城

楊師道詩朝飛麗城上唐太宗咏鳥凌晨麗城去

孝鳥

許慎說文鳥孝鳥也

哀鳥

哀鳥吟夜注云鳥失雌雄則夜啼

巢門

吳順至孝養母有赤鳥巢門華陽國志

雀門

寒鳥噉

不覩白日景但聞寒鳥噉音歡

雀化 見水族門

義雀行

賈島賀朱評云玄鳥夕不歸曉曉遺衆雛雙雀抱仁義
哺食勞劬劬禽賢雖自彰幸得主人書

嘉賓

黃雀一名嘉賓古今注

鶴門

丹歌

趙自然詩丹歌時引舞來去跨雲鸞丹歌鶴也

江陵鶴

劉義慶世說羊祜鎮荊州於江陵澤中得鶴教其舞動
以樂賓友

鶴乘軒

狄人伐衛懿公好鶴有乘軒者國人受甲者皆曰使鶴
鶴實有祿位余焉能戰遂爲狄滅

鶴知夜半

繁露曰鶴知夜半鶴水鳥也夜半水位感其生氣則喜
而鳴也

還丹使

茅君傳云鶴者是九轉還丹使

子孫鶴

池棲子孫鶴堂宿弟兄仙陸龜蒙寄茅山何道士詩

獨足鶴

漢武時有獻獨足鶴東方朔曰此山海經所謂畢鸞

珠樹鶴

李白賀監借問欲棲珠樹鶴何年却向帝城飛

鶴怨鷄嗔

禽經曰鶴以怨望鷄以貪顧鷄以嗔睨鷄以怨雀以猜
瞿燕以狂眈視也鷲以喜嚙鳥以悲啼鳶以飢鳴鶴以
潔喚梟以凶呌鷓以愁嘯鳴也

兵爪

鶴左右脚裏第一指名曰兵爪 酉陽雜俎

落子毛

鶴二年落子毛 鶴經

藻質明心

鍾浮曠之藻質抱清迥之明心 舞鶴賦

靈祀

積靈祀而方多鶴壽故云

翔紫蓋

衡山有三峯一名紫蓋天明輒有一雙白鶴迴翔其上
清響亮徹 荊州記

養青田

沐溪野云青田九里有雙鶴年年生伏子長大便去只
余父母一雙精白可愛多云神所養 永嘉郡記

九臯介鳥

九臯介鳥介大也謂鶴也 思玄賦

鸚鵡門

言鳥

漢異域志獻言鳥注云鸚鵡

鶯鶯

鶯鶯說文云能言鳥也張昭云鳥有鶯鶯請覓鶯父

南越鳥

張祐鶯鶯詩栖栖南越鳥

鸚鵡塚

廣南進白鸚鵡洞曉言詞呼為雪衣女一日為鷹所斃
遂瘞苑中為鸚鵡塚見開元天寶遺事

鴛鴦門

匹鳥

文選注鴛鴦一名匹鳥也

孤鴛鴦

中有孤鴛鴦哀鳴求匹偶

河曲鳥

思為河曲鳥鴛鴦也陸士衡詩

鴟梟門

愁鴟

茅棟嘯愁鴟平岡走寒兔沈休文詩

梟反噬

北山錄日鳥反哺梟反噬

梟鏡

古者祠黃帝用一梟破鏡以梟食母破鏡食父破鏡如

龜

土梟

海錄碎事 卷五
釋鳥梟鴟土梟也釋氏書云如土梟等附塊爲兒

鴉門

昏鴉

何遜詩城陰度塹黑昏鴉接翅飛老杜使此事云無人竭浮蟻有待至昏鴉

仁鳥

晉文公焚林求介子推有白鴉透煙而燥呼曰仁鳥俗謂烏白臆者爲慈烏亦其類也

金背

魚衝駭浪雪鱗健鴉閃夕陽金背光

燕鳥

爾雅云鷗白項而羣飛者謂之燕鳥白臆鳥是也

鳧鷖門

晨鳧

晨鳧露鷖七命

月汀星沼

吳融鳧詩不在龍欄夜仍好月汀星沼剩徘徊

斃袍衣

野鳧詩三三兩兩自相隨檀頸頸看斃袍衣

家鷖

爾雅曰舒鳧鷖釋云鷖鴨也一名舒鳧李巡曰野曰鳧家曰鷖

露華鷖

露華鷖以秋冬生卵出廣志

鷹鷂門

鞬上鷹

昔如鞬上鷹今如檻中猿古候反鮑明遠詩

晨風

晨風懷若心注鷹鷂屬選古詩

青骹

青骹繫於籠中何以効其撮東郭於鞬下也

百中

耿緯進秋隼詩應隨明主意百中有光輝

鷹將軍

蕭轂野田黃雀行云寧死明珠彈且避鷹將軍

撩風翎

鷂兩翅各有複翎右名撩風左名掠草

鷹弭角

禽經曰鷂啄則絲弭鷹捕則角弭藏殺機也

白鵲將軍

朝野僉載太宗養白鵲號將軍取鳥常驅至殿前故名
落鴈殿常令送書從京至中都與魏王仍取報日往返
亦陸機黃耳之類也

孔雀門

珠毛

孔雀尾端一寸名曰珠毛

因雷孕

釋氏書言孔雀因雷聲而孕酉陽雜俎

孔家禽

珠繁楊氏果翠耀孔家禽 林逋詩

子規門

怨鳥

杜鵑一名怨鳥夜啼達旦血漬草木

謝豹

江介日子規啼苦則倒懸於樹自呼謝豹也

催歸

退之詩喚起窓全曙催歸日未西無心花裏鳥更與有情啼催歸子規也喚起聲如絡絲員轉清亮偏於春晚鳴江南云春喚山谷云

子雉

音規子雉鳥也 尔雅疏

雉周

雉周尔雅注今之子規也

走獸門

猴無脾

猴無脾以行消食

鹿無魂

道書中言麀鹿無魂故可食

李耳

方言陳魏宋楚之間謂虎為李父江淮南楚謂虎為李耳注云虎食物值尾而止以觸其諱故止 神虎記

麋暖

博物志麋掘澤草而食其場成泥名曰麋暖民隨此暖
種稻其收百倍

購三千

漢律捕虎一購錢三千豺一購錢百

兼十牛

郭璞象讚云象實魁偉髀巨貌詭肉兼十牛目不踰豕
於菟

音烏徒楚人謂虎爲於菟出左傳

一封駝

漢書大月氏出一封駝注脊上有一封李義山詩取酒
一封駝

咆虎

咆虎響窮山鳴鶴聒空林咆虎鳴也張景陽詩

長鳴

騏驎長鳴伯樂昭其能盧狗悲號韓國知其才盧黑犬
也曹子建表

烏龍

韋善俊有犬名烏龍後化爲龍乘之而去

阿紫

狐媚人自称阿紫搜神記

百錢狸

說苑騏驎至駿也使捕鼠不如百錢之狸

山都

異物志廬陵大山之間有山都似人裸身見人便走自

有男女長四五尺

麈尾

鹿之大者為麈羣鹿隨之皆視麈尾所轉

獸彘禽瞥

馬融賦云獸不及彘禽不及瞥彘走也丑戀切瞥視也
必例反

狼狽

狼狽是兩物狽前足絕短每行常駕兩狼失狼則不能
動故世言事乖張則稱狼狽

燾菽

冥鳥影聯翮驚狐尾燾菽韓偓

牛龍曠

焦貢易林曰牛龍耳曠盖牛耳無竅以鼻聽龍亦聾者
也

食豹似麟

穆天子傳曰狡狴日走五百里郭璞注師子也食虎豹
又司馬彪續漢書曰章和元年安息國獻獅子形似麟
而無角

駝煙

駝糞煙直上如狼煙也

乘騶虞

山海經云騶虞五采畢具尾長于身乘之日行千里

非辰属

陶氏云麇鹿非辰属八卦無主故道家聽許為脯

明駝使

妃子私發明駝使遺祿山瑞龍腦香明駝者股下有毛
夜間能明

子路

東土呼熊為子路述異記

腸寸斷

桓温入蜀部伍得猿子其母緣岸號行百餘里跳上船
而絕破視腹中腸皆寸寸斷

辟邪兄

漢武帝時月支貢猛獸使者云乃獲天之元王辟邪之
長兄也帝以付上林苑徑上虎頭溺虎出十洲記

長喙參軍

長喙參軍猪也古今注

摩斯叱

摩斯叱梵言弥猴也

一角羊

獬豸一角羊也性知有罪者即以角觸之

山丈山姑

山魃嶺南皆有一足反踵手足皆三指雄曰山丈雌曰
山姑夜扣人門雄求金繒雌求脂粉

孫供奉

昭宗播遷隨駕伎藝只有弄猴者其猴甚馴能隨班起
居昭宗賜緋袍號孫供奉羅隱下第詩云何如買取猢
猻弄一笑君王便着緋是也朱梁僭號取此猴亦令于

海鏡 殿下隨班猴望見殿上乃朱全忠徑趨其所跳躍奮擊
遂被殺唐臣愧此猴多矣吉凶影響錄

山公

李約有山林之致養一猿名山公

蒙貴

猫名蒙貴一名烏圓其目睛旦暮圓日午則細如一線
洗面過耳則客至雜俎

狒狒讚

狒狒讚云狒狒怪萌被髮操行獲人則笑唇蔽其目終
亦號咷反為我戮

西巖谷

沈約猿詩既歡東嶺唱復佇西巖谷

狐有三德

狐有三德其色中和小前大後死則丘首出說文

玉衡精

言兔是玉衡星之精梁簡文表

白銀麇

穆天子傳天子賜曹奴之鹿白銀之麇

歸終知來

猩猩知往歸終知來神獸也淮南子

挹婁貂

魏徒挹婁國出好貂今所謂挹婁貂是也

獸君

說文虎為山獸之君

寅客

寅客虎也亦曰寅獸

猥狃

博物志蜀中西高山有物似獼猴長七八尺能人行健走名曰猥狃音狩一名馬花又名獲侗行道婦人有美者盜而去人莫能知其所處也

猿相連

對嶺人共語飲潭猿相連李白詩

瞑猿悲

望極落日盡秋深瞑猿悲李白詩

猿嘯苦

風悲猿嘯苦木落鴻飛早李白詩

猿父

猿父哀吟獬子長嘯獬胡昆反猿父也

白額侯

白額侯虎也

巴西侯

巴西侯猿也

鉅鹿侯

鉅鹿侯鹿也

玄丘校尉

玄丘校尉狐也

犀三角

山海經注犀似水牛而猪頭黑色有蹄三角一在頭上

海錄事 卷三十一

舍利獸

一在額上一在鼻上 舍利獸化爲仙車注舍利獸名性吐金故名舍利

東京賦

狼頭牛尾

麟麇身牛尾狼頭一角黃色馬足何法盛晉中興徵祥記

龍鯉

選江賦龍鯉一角山海經龍鯉陵居其狀如鯉

犬狴狴

猛犬狴狴而迎吠音銀離騷

封狐千里

封狐千里言其捷走千里也上

九尾禽

七命云苑戲九尾之禽困棲三足之鳥九尾狐也

囊狸

囊狸出賀州形如犬色青黃食果實其香如鹿

嬾婦獸

出象州異物志云昔有婦嬾織姑過之死爲此獸其膏

以照讀書績紡則暗若宴會歌舞則明

獨峯牛

獨峯牛出榴州土人乘騎如馬謂之角乘

六猿仙

宜州會仙有六猿仙隱于此

九尾狐

文王應九尾狐東夷歸周 選四子講德論注

麝食柏

麝食柏而香本草名醫云麝香形似麝常食柏葉五月得香又夏自食蛇多至寒香滿入春患急痛以脚剔去置矢溺中覆之皆有常處人得之勝殺取

猶豫

說文云隴西謂犬子為猶顏師古以為人將犬行豫在人前待人不得又來迎俟如此往還至於終日斯乃豫之所以為未定也爾雅曰猶獸名鹿善登木聞人声乃豫升木如此上下故稱猶豫

馬驢門

漢驢

何承天纂文云驢一名漢驪

擅特驢

北齊南天竺國擅特山有寺以驢運食山下無人控御自知往來

象龍

馮奉世使大宛得其名馬象龍而還注馬形似龍也

龍騎

輕萸承玉輦細草藉龍騎萸音啼草初生也

倚輈

昔驂驥倚輈於吳坂長鳴于良樂知與不知也良樂孫陽也

飛燕

海錄萃言卷二

飛燕躍廣途鷓首戲清沚飛燕良馬鷓首舟也 謝靈運

邊馬

朔風動秋草邊馬有歸心 王正長詩

娥離

娥離之馬注息廉反良馬也 李斯書

漢驪

何承天纂文曰馬一名漢驪其子曰駮

馬如遊魚

劉楨魯賦素秋二七天漢指隅日暮宴罷車騎就衢蓋

如飛鶴馬如遊魚

千金驄

劔照七星影馬鞚千金驄

龍之友

龍媒

天馬歌云今安足龍之友又天馬來龍之媒

青海驄

隋書西域傳吐谷渾馬放入海因生驄駒能日行千里

號青海驄

五花乘

畫斷說玄宗時有涇雲五花之乘

驥子

杜詩別養驥子憐神俊顏延年天馬歌云降靈驥子九方是選

飛霞驃

談賓錄唐太宗外國有貢馬甚駿號飛霞驃

款段

款遲也言其形款遲緩馬少游乘下澤車御款段馬

照夜白

上所乘馬有玉花驄照夜白杜詩曾見先帝照夜白見一作貌

七名馬

秦始皇七名馬追風白兔躋景追電飛翮銅雀神鳧

九花虬

九花虬代宗以賜郭子儀每一鳴羣馬聳耳身被九花

天子馬

天子之馬走千里勝人猛獸天子之狗走百里執虎豹穆天子傳

渠黃乘

河宗柏天渠黃之乘為天子先穆天子八駿曰渠黃穆天子傳

馬歎玉

天子東遊于黃澤宮樂謠曰黃之阤其馬歎沙皇人威儀黃之澤其馬歎玉皇人壽穀同上

銀蹄

李賀詠馬龍脊貼連錢銀蹄白踏煙

冬瓏

穆天子走龍媒八轡冬瓏逐天回李賀詩

參差錢

青衣驄馬參差錢李賀

生猱

朔客騎曰馬劔弢懸蘭纓俊捷如生猱肯拾蓬中螢李賀詩

驚帆

古今注曹真有馬名驚帆言其驟如烈風舉帆之疾

花鷹

世說支遁好養花鷹駿馬曰我憐其神駿耳

蹄間三尋

張儀曰秦馬之良探前跌後蹄間三尋

駒隨母

范質言駒馬駒隨母月初生者在前中在旁下旬在後數驗不差玉堂閑話

九逸

文帝在代有良馬九疋號九逸如赤電鱗駒紫騮綠驄驄皆其名西京雜記

越三氈

秦叔寶所乘馬名忽雷駿者每月夜設三領墨氈當前躍而過西陽雜俎

紫叱撥

韋生有駿馬名紫叱撥抱鮑生女妓善四絃者

豹錢驄

豹錢驄子能擎舉兼看連乾許換無段成式

文馬

賈逵曰宋以文馬四百疋贖華元狸文也

西極馬

漢武初得烏孫好馬名曰天馬及得宛汗血馬更名烏孫馬曰西極馬宛馬曰天馬云

玉腕騮

聞說荆南馬尚書玉腕騮杜詩注五陵節度使衛驄

秀騏

駟秀騏之後駿載軫獵之輜車文選

小步馬

烏秣國出小步馬注所謂百步千跡者也烏秣音鴉搯

金埒

洛京地貴王濟買地為馬埒徧錢滿之時號金埒晉書

紅暈衝口

紅暈衝口紫光騰日言馬之俊也

一形十影

殷文圭啟二首六身英雄雅符於魯史一形十影遐程遂遶於燕山注周時燕王進馬一形十影言其駿也

師子駘

煬帝使李星御馬一疋名師子駘玉篇去吉切馬色也

飛龍秋

飛龍秋游上天言駕馬騰驤秋秋然也房中歌

七日超母

孟康曰馱馱駿馬也生七日而超其母

龍文魚目

龍文魚目之馬充于黃門西漢

白鼻騮

銀鞍白鼻騮綠地障泥錦李白

碧玉蹄

紫騮鳴且嘶雙翻碧玉蹄

黎眉騮

朝策犁眉騮舉鞭九不堪

飛龍馬

勅賜飛龍二天馬黃金絡頭白玉鞍

白花駱

醉騎白花駱西走邯鄲城

浮雲驄

歸時日已晚蹀躞浮雲驄已上並李白詩

青驪

颯沓青驪躍紫騮王維詩

鮑氏驄

鮑宣及子永孫昱俱為司隸校尉及其為公皆履乘驄馬京師歌之曰鮑氏驄三入司隸再入公馬雖疲行步工又慕容焦有駿馬比之鮑氏驄

龍種

甘松之南吐谷渾之地有青海周圍千里海中有小山每冬來合後以良牡牝馬置此山至來冬收之馬有孕所生得駒號曰龍種

天馬子

大宛國中有高山其上有馬不可得因取五色母馬置

其下與集生駒皆汗血因號曰天馬子

赤耳騮

隋西域圖記云大宛馬其騮馬烏馬多赤耳黃馬赤馬多黑耳唯耳色別自餘毛色與韋馬不異

駒駟馬

瑞應圖曰幽隱之獸也明王在位卽至

繁鬣

分其繁鬣兩鄉被之也記周人黃馬繁鬣

黃耳

魏時西甲獻千里馬四色而兩耳黃名曰黃耳

踏雪馬

踏雪馬四蹄皆白也

儻馬

宋孝武時西域獻儻馬

龍驤赤

齊高帝號所乘赤者為龍驤赤

馬稱一疋

藝文類聚顏回望吳門見一疋練孔子曰馬也然則馬之光景一疋長耳故後人號馬為一疋

青龍疋

馬之美者青龍之疋追風之乘

馬郡

馬郡宜馬代君以善馬奉襄子注翼之北土馬所生故俗謂代郡為馬郡

雙瞳夾鏡

雙瞳夾鏡兩權協月赭白馬賦

目成人

相馬經目成人者行千里注視童子中人頭足皆見

刷幽燕

旦刷幽燕暮秣荆越馬賦

鴻驚龍翥

歛聳擢以鴻驚時濩畧而龍翥馬賦

齒歷衰

齒歷維衰而藝美不忒注歷數也馬賦

霜戾秋登

露滋月肅霜戾秋登戾至也登成也馬賦

睨影高鳴

睨影高鳴將超中折馬賦

修埒

修埒坦其平舒馬賦

紫燕綠虵

紫燕駢衡綠虵衛轂皆馬名馬賦

膺門

膺門沫赭汗溝走血馬賦

秀騏

尸子曰馬有秀騏逢騏

紅粟秩

處以黃龍之奧委以紅粟之秩言馬食粟馬賦

精權奇

雄志侷儻精權奇 馬賦

月駟雲螭

稟靈月駟祖雲螭 馬賦

控絕景

謝玄暉詩俠客控絕景馬名也

受精皎月

受精皎月稟虛靈淵言馬也 七命

沫如揮紅

沫如揮紅汗如振血 七命

整蘭筋

相馬經云一筋從玄中出謂之蘭筋玄中者目上陷如

井字蘭筋豎者千里

驂乘旦

駕則旦至故以為名 王褒頌

如歷塊

過都越國蹶如歷塊言如歷一小塊之間上

翠黃

招翠黃乘龍于沼翠黃乘黃也龍翼馬身黃帝乘之而

仙

浮驂

浮驂無緩轍言馬飛浮而去 謝靈運

月駟

雲螭非易疋月駟本難儔武三思馬詩

金絡腦

力憊未思金絡腦影寒空望錦障泥曹唐病馬詩

銀壓胯

廳大宜懸銀壓胯力渾欺着玉街頭秦韜玉紫駟詩

望雲騅

德宗以八馬幸蜀七馬道斃唯望雲騅來往不頓後死

天廡元稹作歌

跨竦三山

蹄懸四距腦顛方跨竦三山之一人直望雲騅歌

亞身

亞身受取白玉鞍開口銜將紫金勒上

紅玉輦

唐天寶中大宛進汗血馬一日紅叱撥二紫叱撥三青叱撥四黃叱撥五丁香叱撥六桃花叱撥明皇為製各一曰紅玉輦二曰紫玉輦三瑤山輦四凌雲輦五飛香輦六百花輦復命圖之平光殿改殿名為觀出洛中經

水族門

四腮鱸

松江集太湖賦四腮之鱸注云四腮者珍三腮者非

魚服

潘安仁西征賦云彼而就之魚服挂魚且之密網魚服也古史

牛魚

異物志東海有牛魚其形如牛引其皮懸之潮水至則

毛起退則毛伏

海月

謝靈運詩揚帆采石華挂席拾海月石華附石生海月如鏡皆中食

海錯

海物錯萬類陸產尚午名

華鱗

出華鱗於紫淵七命

槎頭鱖

漢水中鱖甚美常禁人捕以槎斷水因謂之槎頭鱖

縮項鱖

張敬兒為刺史作六檣船置獻齊高帝曰奉槎頭縮項

鱖一千八百頭

練木華見節序門

冠鳧

吳地志石首魚秋至化為冠鳧頭中猶有石也

鱧魚

鱧似魴而大頭魚之不美者故語曰黃魚得鱧不如噉茹徐州謂之鱧魚

王餘魚

比目魚江東呼為王餘昔越王為膾剖而未切墮半於水化為此魚南越謂之板魚

庶魚

蛟龍生鯤鯁度魚生建邪庶魚生庶魚

魚上官

鱸魚三月上官於孟夏

洛鯉

語曰洛鯉伊魴貴于牛羊

赤鯶

唐律得鯉魚即宜放之號赤鯶

縮魚

凡諸魚欲產縮魚輒舐其腹世謂衆魚之生母

蟹輸稻

蟹八月腹中有芒芒真稻芒也長寸許東輸海神未輸不可食

龜鼈

上其拘反下音壁似龜而大其文如玳瑁可以飾器

魚丁

尔雅魚枕謂之丁腸謂之乙尾謂之丙注其骨形似篆書丁字乙字丙字也

含漿

蚌一名含漿尔雅

魁蛤

魁蛤狀如海蛤圓而厚外有理縱橫即今蚶也尔雅謂之魁陸

梁水魴

尔雅注魴一名鮓江東呼爲鮓遼中梁水魴特肥而厚尤美於中國故其鄉語曰居就粮梁水魴

尉魚

尔雅注東萊遼東人謂鮪為尉魚或謂之仲明

捨鯢魚

家語宓子賤治單父孔子使巫馬期往觀政見漁者得魚輒舍之期間焉曰魚之大名為鱸鱒吾大夫愛之其小者名為鯢吾大夫欲長之是以捨之

蟹奴

瓊瑁似小蜂有一小蟹在腹中時出來食故淮海之人呼為蟹奴

巨鼇員員

巨鼇員員首冠靈山上音備下許器反 吳都賦

沈虎潛鹿

沈虎潛鹿並魚名 選吳都賦注

玉珧

郭璞江賦玉珧海月吐肉石華海物異名江珧柱厥甲美如珧玉韓退之詩馬甲柱盖謂此而世人不用珧字盖未知耳 趙德麟侯鯖集

瓦隴

瓦隴一名魁陸嶺表錄異云瓦隴殼中有肉紫色曰天蠻肉

天蠻肉 見上

水蓄

陶朱公曰治生有五水蓄第一謂養魚也

曝腮點額

曝腮點額

交州記交趾郡封谿有龍門水深百尋大魚登此門化成龍不得過曝腮點額血流此水常如丹池有秦潛江出漚山分九十九流三百里共會一口

丙穴

嘉魚出於丙穴在漢中沔陽縣北

叔鮪王鱸

叔鮪王鱸叔小者王大者郭璞曰鮪屬大者王鮪小者叔鮪

虎鹿魚

江賦或鹿脰象鼻或虎狀龍顏注今海中有虎鹿魚頭似虎鹿也

蜉魚

音團山海經其狀如鮒而彘尾郭璞注云言團如扇之

團

鬻似便面

鬻似便面雌常負雄而行失雄則不能獨活出廣志

蝟魚

音媚似蝦食之益顏色有愛媚出臨海水上出廣志

鸚螺

江賦鸚螺蛸蝸注南州異物志鸚鵡螺狀如覆盃頭如鳥頭向其腹視似鸚鵡故以為名

洪蚶專車

江賦洪蚶專車言其大臨海水土物志曰蚶徑四尺有餘背似瓦壘蚶呼甘反

石蛙

石蛙居葉反南越志石蛙形似龜脚得春雨則生華似草華

玄螭

江賦云玄螭硯礫而礫礫皆不平貌南越志如馬蹄

頰螿吐璣

江賦頰螿肺躍而吐璣山海經云珠螿之魚其狀如肺而有目六足吐珠螿灼滅反

文魷孕瑇

江賦文魷孕瑇音毗山海經文魷之魚其狀如覆鉢鳥首而翼魚尾其声如磬是生珠玉

游鱗灑潏止仕咸反下仕角反

選閑居賦游鱗灑潏注出沒之貌

石斑魚

石斑魚出九華山雪潭長寸餘身被五色食之甘肥

石邦

石邦類蛙而大出九華岩山間閩越地蛤也

魚瞰鷄睨

王褒曰魚瞰鷄睨李善注以魚不瞑鷄斜視

蛤蚧

蛤蚧大月三声小月兩声

蝦蛇

水母亦曰蝦蛇亦名海月土人爲鱠謂之雪鱠蛇除駕

石鮭

龜脚生石上有甲其子如粟春夏生苗如海水一作藻亦
有花所謂石鮭揚葩其狀甚異

桀步

擁劔一名桀步盖蟹之類蝟蚌是也

懷墨

南越志云烏賊懷墨而知禮

纜魚

舊說烏蚶有石遇風則蚌前一須下石一名纜魚風波
稍急卽以其須粘石爲纜

燃鐵

舊說龜脂得火可以燃鐵

蛤無臟

裴願崇有論曰烏無胃肺蛤蜃無臟

鸞帆

鸞殼上有物如角常偃高七八寸每遇風至卽舉扇風
而行俗呼之以爲鸞帆舊云視鷗制柂觀鸞制帆

獺穴

淮南子云鵲巢知風之自獺穴知水之高下

猿婦

束皙發冢記曰獺以猿爲婦

婢妾魚

綠珠傳曰州大荒山上有池池中有婢妾魚

魚婢

江東謂青魚爲婢鰮魚爲童子魚爲士父古今注

海錄碎事 卷五十一
四十一
嬾婦魚

述異記淮南有嬾婦魚俗云昔陽氏家婦為姑所怒溺死化為魚脂可燃燭照歡樂博奕則明照紡績則不復明

無腸公子

無腸公子蟹也抱朴子

石蛔沙虹

武夷君食石蛔臘沙虹鮮河祗脯注石蛔小蟹沙虹蝦也河祗脯乾魚也 武夷記

雀化

風土記六月東南長風海魚化為黃雀又禮記季秋雀入大水為蛤故荀昶黃雀詩云空城舊侶絕滄海故交

分樂府有空城雀

禁鯤鰩

魯語宣公夏濫於泗淵里華斷其罟而棄之曰魚禁鯤鰩鳥翼殼卵蕃庶物也尔雅注云凡魚之子摠名鯤

蟹螯如山

有海賈每見兩山相對出于波各高數丈已忽不見舟人云此巨蟹螯

金螯光

于頔在海南日一夜方三更忽曉如日初出移時復暗徧嶺南悉然後有海客言其夜海中見大金螯浮出目光照耀天地如白晝徐徐復沒驗其日正同方知螯光紀聞談

河伯從事

世傳烏賊為河伯從事以其含墨也又云烏魚墨為字
歲久盡脫如空紙無行者取為契券 酉陽雜俎

數圓

數圓居山岸如彭蠡取土作圓數至三百則潮至舟人
以為候呼為數圓 酉俎

海鏡

越絕書云海鏡廣人呼為膏菜盤、殼相合以成形外
圓而中甚瑩潔有少肉如蚌中有紅蟹子如小豆而螯
足皆吳海鏡飢則蟹出拾合蟹飽歸腹海鏡亦飽 嶺表
異錄

劍魚

爾雅注鯿呼為劍魚

魚倉

永嘉記青田谿冬水熱眾魚歸之曰魚倉

龍鯉

龍鯉陵居 山海經

巴憂儵

山海經云帶山茈葫之水有儵魚食之巴憂圖贊云汨
和損平莫憐于憂詩萱草山經則儵

絡魚

鱗鬣有蛟蜃之狀土人碎以為鮓出戎州

龜門

玄衣督郵

崔豹古今注龜名玄衣督郵

食飛塵

曹植龜賦食飛塵以實氣

能言龜

洞冥記元封二年外國獻能言龜東方朔云唯承桂露飲之

庶龜

玄旣生靈龜靈龜生庶龜

火龜

火龜生于火中皆大鼠之類尔雅疏

六眼龜

君山上有池池中出三足鱉六眼龜

洞玄先生

先生龜也宣室志

先知君

龜又號為先知君抱朴子

居鵲尾

史氏曰龜生百歲故居鵲尾之上

龜出頭

黃安坐一龜長三尺云伏羲造網罟得之此虫畏日月光二千年一出頭我坐此龜五出頭矣時謂安萬歲洞冥記

玉靈

龜也出史記龜策傳

波臣

莊子曰我東海之波臣也山谷云吉凶更莫問波臣

玄夫

玄夫龜也見韓文東野夫子詩

海錄碎事卷二十二上

海錄碎事卷二十二下

宋 泉州太守葉廷珪 類集

明 河南僉憲劉鳳 重校

六畜門

長髯簿

崔豹羊一名長髯簿

六擾

豫州其畜宜六擾注謂之擾者人所馴養也六擾者馬

羊牛豕犬鷄

蝨議所食

虱入豕柵議所食曰肥豕不度臘相與食其瘠者逸士傳

烏金

唐洪州有人蓄猪致富因號猪爲烏金朝野僉載

中禁鬻

猪肉項上一鬻謂之中禁

古旃

北虜稱牛爲古旃

犀鎧

犀鎧今之水牛通謂之犀

唐書

果下牛

出廣州以其庫小可行果樹下今之犍牛是也

黃耳冢

陸機葬其犬去家二百步聚石爲墳俗謂之黃耳冢

述異記

烏龍

搜神記張然犬名烏龍殺其奴與妻奸者

黃蒼

張彪犬名黃蒼彪爲劫所殺犬號叫屍側宛轉血中

鷄鴨門

藁頭肥

山谷詩湖稻初春雲子白家鷄正有藁頭肥

狸膏

曹植鬪鷄詩願蒙狸膏助常得擅此場

長鳴鷄

西京雜記成帝時交趾獻長鳴鷄下漏驗之晷刻不差長鳴一食時不絕

鷄知旦

淮南子鷄知旦鶴知夜半言鶴知之早也坡詩獨鶴不須驚夜旦

潮鷄

輿地志移風縣有潮鳴鷄長旦清如吹角每潮至則鳴一名村鷄

魚瞰鷄睨見水族門

呼羣德

吳均曰鷄有呼羣之德鹿有食呼之美

五時鷄

有鷄夜鳴隨鼓節一更為一声號五時鷄

失旦鷄

諸葛瑾曰失旦之鷄復思一鳴

鷄翹衛錦

鷄翹衛錦豈勝鮮華鷄翹冠也温庭筠

芥鷄羽

季氏芥鷄羽邠氏金距左傳

鑿墻棲

詩鷄栖于墻注云鑿墻而棲曰墻

芥粉

周王褒闢鷄詩妬敵金芒起猜羣芥粉生梁孝威詩翅中含芥粉距外矚金芒

專棲之雄

抱朴子詩鷄有專棲之雄蟻有兼弱之智蜂有攻寡之

計

呼粥粥

遺却白鷄呼粥粥

音祝施肩吾詩

翰音跖

翰音之跖是也

伺晨鳥

譬彼伺晨鳥揚聲當及旦陸士衡

百日鵝

子鵝百日外子鴨六七十日佳過此肉硬矣

昇菡鴨

玄都有鴨丹毛而輕昇於芙蓉啜露而食曰昇菡鴨洞

冥記

鷺警鬼

段氏云鷺警鬼鷓鴣厭人孔雀辟惡

雜蟲門

齊女

董仲舒云齊王之后怨恚而死尸化為蟬登樹而鳴故

蟬名齊女

含風蟬

蕭瑟含風蟬寥戾度雲鴈謝惠連詩

肥遺

偽蜀王衍時自五月不雨至九月肥遺見紅樓注云肥遺地名角上有火見則大旱出山海經外傳華山亦有此地王氏開國記以肥遺早見非也紅樓蜀端門樓也

食塵

山海經異水南有虵曰食塵蔡邕云虵食塵飲泉

蜂十圍

丹蛇踰百尺玄蜂盈十圍 鮑明遠詩

吹蠱

含沙射流影吹蠱病行暉南方蓄蠱殺行人置飲食中人不覺其家遂滅則飛游妄逐行客中皆病死吹蠱飛蠱也 鮑明遠詩

點白

食苗實碩鼠點白信蒼蠅言能變白為黑也 鮑明遠

蓼蟲

蓼蟲避葵董言若不言排言小人不知曠士之懷如蓼

蟲不知葵董之美也 鮑明遠

黑蜈

黑蜈躍重淵商羊舞野庭音戾虵也皆欲雨之候 張景

陽詩

寒蜚

肅肅莎鷄羽烈烈寒蜚啼莎鷄促織也蜚蟬也 謝惠連詩

數蝶

花叢亂數蝶風簾入飛燕 謝玄暉詩

網虫

網虫垂戶織夕鳥傍簷飛 沈休文詩

丹鳥

夏小正曰丹鳥羞白鳥丹鳥螢火也

景天

螢一名景天一名夜光 崔豹注

鳳車

蝶一名鳳子一名鬼車一名鳳車搜神記朽葦為螢麥為蛺蝶

稷螽

說苑螽者人之所攻鼠者人之所薰未嘗見稷螽見攻社鼠見薰

率然蛇

孫子兵法曰常山之蛇名曰率然一身而兩頭擊其一頭則一頭至擊其中則兩頭俱至 張華博物志

歡喜虫

雜俎歡喜虫能見眾夢

叩頭虫

小鳥聞批頰微虫弄叩頭

越王約法

尔雅注兩頭蛇江東呼越王約髮言其所變也

五技鼠

尔雅釋文鼯五技鼠也音石蔡邕勸學篇五技者能飛不能上屋能緣不能窮木能泅不能渡瀆能走不能絕人能藏不能覆身

胸肭

胸肭蚯蚓也夔州多此虫故以為地名

露珊 見露門

如絲氣

杜詩崔十九太平寺泉眼云青白二小蛇幽姿可時覩
如絲氣或上爛熳為雲雨

蜜房羽客

蜜房羽客類芳心冶葉倡條徧相識 李義山

昆虫

昆明也百虫待明而動故曰昆虫

土鴨

陶隱居本草注蛙大而青脊者俗名土鴨其鳴甚大

丹書八字

抱朴子蟾蜍壽三千歲者頭上有角頷下有丹書八字
玄中記云食之壽千歲

蝦蟇懷土

俗說蝦蟇懷土雖取置遠郊一夕復還其所

投機

古今注促織一名投機莎鷄一名絡緯

蜂無雌

古今注龜鼈之類無雄蜂蝶之類無雌

蛾眉

蛾似黃蝶而小其眉勾曲如畫詩言蛾眉

慕光

螢載火

飛蛾拂燈火夜飛一名慕光傳曰螢載火而寒一名挾
火一名夜光一名宵燭

宵燭 見上

地腹窟
造化權輿云地腹窟蟻蟮背行

潔飢

抱朴子云玄蟬潔飢不羨蜣螂穢飽

商距

莊子使蚊負山商距馳河唧蛆一名商距

蜂臺蟻樓

古語蓋蜂窠疊構如臺蟻垤似樓

喜毋

絡新婦

郭璞云今小蜘蛛長股者俗呼喜子垂絲着人衣當有親客至荆州河內之人謂之喜毋又名絡新婦

疎蟬

耿緯集高樹多涼吹疎蟬足斷聲

歌女

江東人謂蚯蚓為歌女或曰鳴砌

野蛾

蝶一名野蛾

弄圓

蜣螂一名弄圓一名轉圓

立針

蝦蟇一名立針

黍民

河內人見有人馬數千萬皆如黍米以火燒之人成蚊蚋馬成大蟻故呼蚊蚋為黍民蟻為玄駒

玄駒 見上
怪虫

小說漢武幸甘泉道中有虫赤色以問東方朔對曰此虫名爲怪虫昔時拘繫無辜咸仰首曰怪哉怪哉上天憤所生也必秦獄地按之果然又曰凡愁者得解以酒灌之隨散

龍親家 見水旱門

司城主簿

李知微宿都省夜聞呼馳道都尉司城主簿者見數小人入古槐下一穴明日發視乃鼠耳

釀蜜蜂

樹宿舍櫻鳥花留釀蜜蜂含櫻鳥鶯也 庚信

蟻載粒

符子東海有鼈冠蓬萊而浮游羣蟻相謂曰彼之冠山何異我之載粒逍遙封壤之巔伏乎窟穴之下

銜窠藪

楊惲曰鼠不容穴銜窠藪也

青弁使者

青弁使者蜻蜒也 古今注

虫緝絲

八月詞榜簷虫緝絲向壁燈垂花 李賀

水虫卸弩

廣記云水弩之虫常自四月上弩至八月卸之見人影則射

蟬罅生

爾雅注蟬屬皆剖坼毋背以爲孔罅而生

步屈

尺蠖一名步屈

鳴砌

蚓謂之鳴砌亦謂之歌女古今注

朱浚元

有人得朱虵故之後來致謝補進士朱浚元幽怪錄

仙鼠

蝙蝠謂之仙鼠古今注

蠅豹

蠅虎謂之蠅豹古今注

蟻城

有舟端者因營壘掘地遇蟻城方丈城壘皆具若雕刻
中有街徑樓閣二大蟻居樓閣中一紫色足翅皆如金

酉陽雜俎

蜉蝣王

徐玄之夜讀書見人物如粟數百皆具甲冑擁一紫衣
者行案上傳呼曰蜉蝣王欲觀於紫石潭見魚數十視
中皆獲小魚玄之大駭以書冊覆之照者皆無異聞實錄

鳴虵

山海經鮮水多鳴虵其狀如虵其音如磬四翼見則其
邑大旱

駁蝦

南都賦駁蝦蟇蛇駁大也尔雅注蝦大者長一二丈

飛生

鼯鼠一名飛生上林賦注

黃要

郭璞云毅似鼯而大要以後黃一名黃要食猕猴

熠燿

秋興賦熠燿粲於階闥蟋蟀鳴乎軒屏注熠燿螢也

蝮蝮蜿蜿

嘯賦蝮蝮蜿蜿龍蛇之貌

赤蟻若象

赤蟻若象玄峰若壺離騷

黃犢舍

蝸牛螺虫之有角俗或呼為黃犢舍

唐公鼠

唐君字公房白日昇天鷄鳴天上犬吠雲間唯以鼠惡留之鼠乃感激自出其腸胃時人謂之唐公鼠

巨斧

兗豫間蟪蛄為巨斧出方言

笛師

蜂燕趙間曰蠓螭音蒙翁其小者謂之蠓螭小而蜜者謂之壺蜂注云穿竹木作孔有蜜者又謂之笛師出方言

夜遊女子

夜遊女子螢火也此伏尸之精燒香辟之若入人家其色青者吉紅者有禍殃玉箱雜記

飛軍糧

飛軍糧蜂子

伏翼

伏翼蝙蝠也

地螾

黃帝得土德黃龍地螾見注丘蚓也音引漢志

短狐

漢五行志云蠍生南越又云短狐即蠍也在水旁能射人南方名短狐注射工也亦名水弩

青喚蟬

白若白鷺鮮清若清喚蟬李白

豹文鼠

豹文鼠終軍以尔雅辨其名而受賜

蝦蟇

墨子曰禽子問曰多言有益乎曰蝦蟇日夜鳴口乾而人不聽之

蛇醫

蛇醫方言蝦蟇也

曹氏子

齊人曹氏子乃齧糟出宣室志

日兩衛見方技門

龍門

雲螭

雖欲騰丹谿雲螭非我駕注雲螭龍也郭景純詩

澆澆

魚龍澆澆山鳥羣飛上士咸下助角切魚龍游水声嵇叔夜

龍有五種

龍有五種一象形二虵形三馬形四魚形五蝦蟇形

三種過患

龍有三種過患一熱沙墮其頭二以虵形行欲三有金翅鳥畏又有一苦以風吹寶衣露身生苦

不能變形

四分律文中說諸龍初生時睡時瞋時行欲時不能變形餘時皆能變形

多舌龍

德又迦龍王舊云多舌龍由多言故此是第六般若波羅蜜門善說多法故云多舌託此龍位寄顯法故

射獵門

雙鶴

列子蒲子之弋連雙鶴於青雲之際

飛土逐肉

古人彈歌曰斷竹屬木飛土逐肉

殼者

漢書發似飛殼者注謂能張弩者

忘歸

左擇繁弱右接忘歸繁若弓名忘歸矢名嵇叔夜

尉羅

寄言尉羅者寥廓已高翔尉音尉所以張捕謝玄暉

馳馳

馳馳未能半雙兔過我前曹子建

接飛鳶

餘巧未及展仰手接飛鳶曹子建詩

輕繳

高鳥未挂於輕繳注繳增射也曹子建表

飛羅修畏

音畏網也布飛羅施修畏七命

毛林丹薄

數為毛林隄為丹薄言田獵殺多也七命

解勞

韓偓出獵歸詩紅袖擁門持燭炬解勞今夜宴華堂

贊獲

贊獲一声連朔漠賀杯環騎無優侶韓偓

射雉翳

掃掠走馬路整頓射雉翳平声李義山詩

走狗塘

走狗塘鶴陂墟豨巷皆吳王田獵之地平江圖經

鶴陂墟見上

雙鶻

射詩雙鶻摧孔雀一矢殞貪狼

九規

射詩百步望雲立九規看月張敘神堯皇帝之射

龍臂

龍臂勝猿臂星芒起箭芒

銀鏑

薛逢獵詩金鞍俯鞚塵開處銀鏑離弦中瑟聲

打圍

山谷射獐肉果然口腹為灾怪夢去呼鷹雪打圍

素支

赭白馬賦歷素支而冰烈注云射的也

寧不食

後魏咸陽王坦好田獵曰吾寧三日不食不能一日不

獵

聞弦虛墜

折翮翻飛隨轉蓬聞弦虛墜下霜空 李白

行圍

江沙橫獵騎山火繞行圍 李白

五茸

陸魯望詩二茆涼波魚蕪動五茸春草雉媒嬌注陸士衡對晉武帝三茆冬温夏涼五茸吳王獵所

射雉場

東昏置射雉場二百九十六處霧中帷帳及步障皆給以綠紅金銀鏤弩牙瑇瑁帖箭

獲車

田獵收所得禽以實獲車

獲旗

田獵建獲旗

射侯制

射侯制上廣下狹取象於人也張臂八尺張足下六尺
梁鄒

制同乎梁鄒義合乎靈囿東都賦天子田獵地名也毛
詩傳曰古有梁鄒者天子之田也

割鮮染輪

子虛賦割鮮染輪言田獵其血染車輪也

垂天畢

荷垂天之畢張竟野之眾羽獵賦

媒翳

潘安仁射雉賦因講肄之餘而習媒翳之事

兩禽連

左挽因右發一縱兩禽連曹子建

東津南圃

魏文帝詩校獵東橋津又張衡羽獵賦曰負遙集乎南圃

弋高雲

弋下高雲之鳥餌出深淵之魚應休璉書

矰繳

矰繳繳之若反矰矢射也亦作繳曹子建曰高鳥未挂輕繳上音曾下音酌鄭玄曰結繳于矢謂之矰矰高也

漁釣門

漁師

王泓之釣于上虞江或問漁師得魚賣否

簪笮

上蘇挺切下音令竹器也山谷詩云漁父驟網投簪笮

篠笮

釣者以獨繭絲為綸芒針為鉤荆條為竿剖粒為餌

桂餌

初學記有以桂為餌

翠綸

闕子曰垂翡翠之綸

宿沙

魯連子云古善漁宿沙渠子使漁山側雖汀宿沙子不得漁焉宿沙非暗於道也彼山者非魚之所生也

釣師

人間幸有蓑兼笠且上芳舟作釣師 林逋詩

漁墅

林逋雪詩寒連水石明漁墅猛共松篁壓寺歸

曳寒蓑

陸龜蒙手捉孤篁曳寒蓑言釣也

玄洲

宋玉釣賦云玄洲天下善釣者也

八絲線

玄洲以三尋之竿八絲之線以出一二尺之魚

施技

玄洲因水勢而施技

仁義為釣

禹湯之釣以賢聖為竿節德為綸仁義為釣利之為餌四海為池萬民為魚釣道微也

白鷺縲

爾雅疏白鷺頭翅上皆有長翰毛今江東人取以為捷攤名之曰白鷺縲

百囊罟

爾雅注縲罟者今之百囊罟也九罟者魚之所入有九囊也

曲梁

詩魚麗于罟注曲梁也其功易故謂之寡婦之笱

採捕郎

藥盃應阻蟹螯香乞與江邊採捕郎謝寄蟹

漁蕪

三茆涼波漁蕪動五茸春草雉媒嬌注見前

扈葉

吳都記江濱漁者插竹繩編之以取魚謂之扈葉

沉絲

沉絲結飛矰注沉絲漁網也

捕魚翁

捕魚翁龜蒙詩

蟹斷音銀

江東云蟹稻之登也率執一穗以朝其魁然後任其所之蚤夜曹沸指江而奔漁者緯蕭承其流而障之名曰

蟹斷斷其江之道故焉耳陸龜蒙蟹志

半尺鱸

寄淮南鄭賓書記清詞醉草無因見但釣寒江半尺鱸

釣具

寒衣釣具腥

編霜莢

編霜莢緝寒茅出沈休文

漁兄漁弟

漁兄漁弟喜到來李夢符漁父詞

草門苔蘚附

書帶

三齊記鄭玄教學處有草如薤而細俗謂康成書帶

歲鞋

選百卉挺歲鞋注初生之貌也王仲宣詩

陽卉腓

淒淒陽卉腓音肥言風霜慘淒草木色皆病也

蘭薄

遠巖映蘭薄白日麗江臯薄叢也江臯江曲也謝靈運

臯蘭

臯蘭被徑路澤畔曰臯阮嗣宗

忘歸草

安得忘歸草言樹背與襟忘歸草即忘憂草也嵇叔夜詩

青青河畔草

離離山上苗青青河畔草選古詩

芳荃

忘歸屬蘭杜懷綠寄芳荃沈休文詩

芷薜

塘上行芷薜生幽渚微芳不足宜注芷薜香草也喻婦人居幽閑之室德微不足奉君子也陸士衡詩

紅藥

紅藥當階翻蒼苔依砌上謝玄暉詩

薜蕪

相逢詠薜蕪辭寵悲團扇古詩上山採薜蕪下山逢故夫薜蕪善本作薜謝玄暉詩

綠錢

賓階綠錢滿客位紫苔生古今注苔蘚一名綠錢沈休文

霜根

仲秋邊風起孤蓬卷霜根王僧達詩

被幽崖

綠竹夾清水秋蘭被幽崖魏文帝詩

宿莽

夕搴洲之宿莽草經冬不死曰宿莽音姆宿草也

蕙茝

茝香草也昌亥切一音齒離騷

九畹蘭

余既滋蘭之九畹兮又樹蕙之百畝三十畝曰畹上

藁蘋

藁蘋齊葉白芷生

霍靡

頰草霍靡注華敷貌

神薊

仰折神薊俯采朝蘭音薊香草

臯蘇

王朗書云雖復萱草忘憂臯蘇釋勞年以過也

神濩草

神農本草常山有草名神濩置之門上每夜叱人

白氈

白氈徒葉切草也出高昌國粗者名吉具細者名白氈

昔邪

瓦松也在屋曰昔邪昔墻曰垣衣梁簡文詠薔薇詩云

緣階覆綠綺依簷映昔邪

夢草

漢武帝時異國所獻晝縮入地夜若抽萌帝思李夫人

懷之輒夢 洞冥記

草盤青

半欄花藉田一徑草盤青

夫須

臺草一名夫須可為蓑笠南山有臺是也

水英

爾雅云芹楚葵注水中芹菜本草一名水英

鴟脚莎

爾雅云葦玉芻郭景純云葦葦今呼鴟脚莎詩瞻彼淇

與綠竹猗猗是也

鳥曰見鳥門

蘇色

劉昭禹詩蘇色圍波井花陰上竹樓

不成錢

水凍菖蒲未生節閑寒榆莢不成錢

鬼葵

鬼葵苗如龍芮花白莖紫

燕麥

燕麥草似麥亦曰雀麥

夜光芝

華陽洞有五種夜光芝

豐草萋

女蘿旒詩四月秀萋盛貌也

燕胎芝

茅君傳句曲山有神芝名燕胎芝紫色狀如燕欲飛食
一株為太清仙正一郎中

燕尾香

蘭葉尖長有花紅色白俗呼為燕尾香煮水浴療風

馬蹄香

馬蹄香杜衡也葉似葵形如馬蹄

千步香

南海貢千步香佩之聞千步今海隅有千步草是其種
也

萱蘭訴

修竹彈甘蕉文云有臺西階澤蘭萱草到園同訴言陽
景所照由來無隔而甘蕉攢莖布葉獨見障蔽雖處臺
隅遂同幽谷

萑蘭

俠嘉夜萑蘭芳俠與挾同嘉夜芳草也萑卽今白萑
改反

俗草

枝下無俗草所植唯蘭孫

卷施草

贈君卷施草心斷竟何言李白詩此草拔心不死

萑蘭蕤

清英神仙骨芬馥萑蘭蕤

蕨枝拳

不知舊行徑初拳幾枝蕨

流草

流草蓬也病草艾也

忍草

清香惹苔蘚忍草雜蘭孫

媚草

述異記媚草鶴子草也蔓生色淺紫蒂形如飛鶴春月
生雙虫食其葉越女收養虫老蛻爲蝶帶之號媚蝶
表異錄

寡婦莎

述異記秦趙間有相思草節節相續又名斷腸草孀婦

草寡婦莎

無情草

范陽貢無情草使人無情雜俎

睡草

又桂林有睡草見之則令人睡一名醉草亦呼懶婦歲

懶婦歲見上

澤葵

又苔錢亦謂之澤葵又謂之重錢草亦呼宣蘇南人呼如草

重錢草見上

蘇陣

鶴毛橫蘇陣蟻穴入莎根

采華草

太極山有采華草服之通萬里言

苔絮

手牽苔絮長蓴花

菱絲

釣魚詩菱絲縈獨爾蒲米蟄雙魚又瀉詩木蘭椒葉蓋病容扶起種菱絲

湘蕤皓本

武夷記武夷君食之注湘蕤荇也皓本根也

榮榮

榮榮牕下蘭密密堂前柳

羊齒草

本名縣馬細葉葉蘿生而毛有似羊齒今東人呼爲鴈齒線者以取芥緒也

連錢荇

太液池有連錢荇 洞冥記

躡空草

烏菴國有草如芥葉食之能行空中號躡空草 洞冥記

太陽草

天老曰太陽草服之長生即黃精也 博物志

鼠筲

纖細似龍須可以爲席蜀中出好者

地血

舊草可染絳陸機云一名地血

皤蒿

詩云于以采繁毛傳云皤蒿也郭氏云白蒿又云葉似艾上有白毛粗澀俗呼爲蓬蒿可以爲菹

布護

蘼荒布護於中阿音護

菑萋

雜以菑萋草也

幽蘭

雪賦以幽蘭儷曲

蘭猗靡

藉蘭臯之猗靡

香掩掩

越香掩掩言草木之香發越也

幽薄

白華朱萼被于幽薄白華絳趺在陵之陬

平蔚

原薄信平蔚

蘭茗

翡翠戲蘭茗

相因依

芰荷迭映蔚蒲稗相因依

朱柯

西京賦擢靈芝之朱柯

綠葉紫莖

秋蘭兮青青綠葉兮紫莖

甜娘

甜娘草名廣南人造酒多用之

合歡

合歡蠲忿萱草忘憂崔豹古今注曰合歡樹似梧桐枝葉繁互相交結每一風來輒自相離了不相牽綴樹之階庭使人不忿也

萱草 見上

九衢之草

九衢之草千計其枝交錯相重九出也山海經少室之山有木焉名曰帝休其枝五衢其花黑實服者不怒

木門 樹林野燒附

鞞鞞法

龜蒙詩手携鞞鞞法若在中印國鞞布頂反鞞大各反
唐言楊枝也

陽林

白雪停陰岡丹葩曜陽林左太冲

九秋幹

心契九秋幹目覽三春萸謝靈運詩

阡阡

遠樹暖阡阡注茂美貌也

前林

秋風吐商氣蕭瑟掃前林張孟陽詩

梢梢

梢梢枝早勁塗塗露晚晞梢梢勁強無葉之貌塗者厚也謝玄暉詩

脩薄

谷風拂脩薄油雲翳高岑注草木叢生曰薄陸士衡詩

鳴鳳條

假翼鳴鳳條濯足升龍淵謂梧桐也

粉檟

揮手告鄉曲三期載歸旋且為樹粉檟無令孤願言謝靈運

八桂

天台賦云八桂森挺以凌霜

長楸

海錄石事 卷三下

海錄事 卷五
聞鷄東郊道走馬長楸間 魏文帝詩

豐條

豐條並春盛落葉後秋衰 陸士衡詩

蕭森

谿壑無人迹荒楚鬱蕭森木叢生日楚蕭森條長貌 張

景陽詩

槭槭

槭槭芳葉零蘂々芬華落槭所隔反落葉声 盧子諒詩

萬年枝

風動萬年枝日華承露掌萬年枝木名

平楚

寒城一以眺平楚正蒼然 已上並謝玄暉詩

玉階樹

切愁涼風至吹我玉階樹 班婕妤

宿楚

青苔日夜黃芳蕤成宿楚叢木也 張協詩

翳薈

促鮮之遊汀滸短羽之棲翳薈

鼎足松

平江學中有十題曰辛夷百幹黃楊公堂槐鼎足松雙

桐石楠龍頭檜蘸水檜泮池玲瓏石或云蘇子美嘗掌

學命名也

三榮三悴

晉陽都城北角有槐木一日之間三榮三悴

海錄事

卷五

三

陽葉陰條

陽葉春青陰條秋綠

小棠

詩甘棠注云棠杜也一名杜梨而小也召伯不欲勞民止舍於小棠之下而斷訟焉

三眠柳

李義山賦豈殊河畔牛星隔歲才聞一過未若苑中人柳終朝剩得三眠注漢後苑中有柳似人形一日三倒三起

蒼官

樊宗師絳守居園記云有柏蒼官青士環列與槐朋友

稚杉 見竹門

拘尸陀

雜拘尸陀樹見月光即開

鴈翅檜

李德裕平泉花木記有鴈翅檜葉婆娑如鴈翅也又有珠子柏實如珠子生葉

林光

林光稱避暑引伏出郊行 張正見上之回

君子樹

梁元帝芳人詩芬芳君子樹交柯御宿園

柳半眠

煙柳半眠藏利臉雪梅含笑綻香唇

松釵

長松夜落釵千股小港春添水半腰韓偓詩

殺羊角

江東謂皂莢為殺羊角

衢枝

穗柏一枝衢枝偃覆疑四達之枝也

鳳條

酉陽雜俎人有折博陵君豹山園桐枝者公曰何為傷我鳳條

端正樹

玄宗發馬嵬至扶風道上有石楠樹團々愛翫云呼為端正樹盖有所思也

嘉林

傳曰有神龜在江南嘉林中嘉林者獸無虎狼鳥無鴟梟草無毒螫野火不及斧斤不至是為嘉林

守門閭

松柏為百木長而守門閭

五大夫

始皇上太山立石封祠祀下風雨暴至休於樹下因封其樹為五大夫

麴塵絲

江邊楊柳麴塵絲

松籟

但將松籟延佳客常帶嵐霏認遠村林逋詩

暗黃

正月樂詞上樓迎春新春歸暗黃着柳宮漏遲薄淡
靄弄野姿李賀詩

秋香

畫欄桂樹懸秋香三十六宮上花碧李賀

古香

山頭老桂吹古香

五衢枝

山海經少室之山上有木焉名曰帝休其枝五衢注枝

五出如路

黃夾榭林

白樂天詩黃夾榭林寒有葉碧琉璃水淨無風

柳一澗

太平州作歐靚膏支柳一澗

負霜柏

負霜柏一作宜霜柏

鼠梓

鼠梓其樹葉木理如楸也

攝攝

說文云楓木厚葉弱枝善搖一名攝

守宮槐

郭云槐葉晝日攝合而夜炕布者名守宮槐

梓實桐皮

陸機云梓實桐皮為椅

女桑

每錄梓

卷三

三

郭云今俗呼桑樹小而條長者為女桑詩云猗彼女桑是也

松葉相身

爾雅曰樅松葉柏身檜柏葉松身

左人精

柏木也

右人精

松木也

鬼老

槐木也

舞兒腰

榆穿菜子眼柳斷舞兒腰

楓子桐孫

庾信詠樹詩楓子留為式桐孫待作琴

一霜兩霜

一霜兩霜猶可當五晨六旦颯已黃梁豫章王綜悲落

葉詩

百木長

史記松柏為百木長也而守宮闕

姑榆郎榆

廣志有姑榆郎榆郎榆無莢

濟南榆

應璩與龐惠恭書曰類見所上利民之術植濟南之榆栽漢中之漆

朝菌

朝菌謂之朝華亦謂之木槿亦謂之白及亦曰舜華

帝梧

張正見鳳棲梧詩云丹山下威鳳來集帝梧中

天上樹

李紳詩序新昌宅書堂前有藥樹一株今已盈拱則長慶中於翰林院西軒藥樹下移得纔長一寸僕夫封一泥圓以歸植今則長成名之曰天上樹詩云白榆星底開紅甲珠樹宮中長紫宵

鬼庭

柏者鬼之庭也注言鬼神尚幽暗以松柏為庭府

千千萬萬

千千石楠樹萬萬女貞林

榮柯

眾鳥集榮柯

鬱金枝

燕趙青青遊子悲河堤弱柳鬱金枝

情深樹

題情深樹寄象公詩云腸斷枝上猿淚添山下樽

引東枝

漢陽江上柳望客引東枝

桂子落

還聞天竺寺夢想還東越每年海樹秋桂子落秋月

攢叢

海錄碎事

卷五十一

桂

黃山過石柱巖嶽上攢叢

綠玉樹

李白贈王屋山人魏萬詩君來幾何時仙臺應有期東
窓綠玉樹定長三五枝

森柯

積雪照空谷悲風鳴森柯

緜幕

南軒有孤松柏葉自緜幕

君遷樹

陸龜蒙寄南海同年庭中必有君遷

漢朝交州記有君遷樹有朝臺尉他望漢所築也

叢條疊穎

叢條瞋胆疊穎怒魄

柳葉無陰

柳葉無陰檳榔無柯

丰茸

雪後朝寒猶凜冽柳梢春意已丰茸

柳絲絲

張蓋欲判江灩々迴頭更望柳絲々

白甲蒼髯

雙龍對起白甲蒼髯煙雨裏東坡咏松

霜下傑

淵明芳菊開林耀青松冠岩列懷此貞秀姿卓爲霜下
傑

厄閏年

東坡詩黃楊厄閏年自注俗說黃楊歲長一寸遇閏退三寸

女兒腰

子美詩隔戶垂楊弱嫋、恰如十五女兒腰

甘木

西都賦竹林果園芳草甘木

栱欄

栱欄上林賦注曰椽也其皮可為索香并

女貞木

女貞木葉冬不落上林賦

連抱

長千仞大連抱言木之大也上林賦

落落長松

蔭落落之長松天台賦

桐乳

空門來風桐乳致巢注桐子似乳著其葉而生鳥喜巢其中也

椅梧

椅梧桐也琴賦

玄木

玄木冬榮高唐賦

密微

密微、其清閑言木之密葉微、然幽邃琴賦

林藹

瞻彼宗丘其林藹補亡詩

蘭林

結風竹蘭林陸士衡

摩蒼天

脩條摩蒼天魏文帝芙蓉池詩

葉卷

攀林摘葉卷葉初生未展謝靈運

暖阡阡

遠樹暖阡阡美兒謝玄暉

樹扶疎

繞屋樹扶疎陶潛詩

故藪

孤獸思故藪離鳥悲舊林陸士衡

不死木

不死木食之令人長壽出柳州

百籟吟

百籟坐自吟張景陽

造天

松柏豫章條上造天七發

藤輪

李德裕詩松蓋低春雪藤輪倚暮山

帶癭松

吾看有花樹不及帶癭松

赤燒

獨鳥青林暮驚麝赤燒殘 温庭筠

突波羅樹

突波羅樹出梧州安折縣壅腫盤結堪以為器

豫章似枕

譬之豫章七年然後可覺耳延叔堅曰豫章與枕木相似須七年乃可别枕 音尤

千仞無枝

魯連子曰東山有松千仞無枝

神王一丘

符子云蔭百丈之松蕭々然神王一丘

十里香

述異記千年松香聞十里外一名十里香

香材

其土唯松檜檉柏每風拂脩林則香聞數里傍有古僧塔人疑其異因號香林石塔

玉女幢

木葉細長自根而上皆成層級故名玉女幢

飛仙盖

木高無枝其末下垂如盖 出九華

仙掌扇

其木葉如扇兩相合如掌

穰槐

穰槐上古回反又戶垂反槐之别名下戶灰戶垂二切

尔雅云槐葉大而黑爲櫬又守宮槐葉晝日聶合而夜布

冬頌木

五嶺無冬頌之木 嵇叔夜養生論

雜花門

蒼筤花

蒼筤花卽今山梔子花也佛說譬如入蒼筤林中唯聞
蒼筤不聞餘香禪月詩云白蒼筤花露滴滴山谷云染
梔子花六出雖香不濃郁山梔子花八出一株可香一
園

薜榮

薜榮不終朝蟬蛻豈見夕注薜槿花也朝榮暮落詩類

如薜華

郭景純詩

丹榮

曲池揚素波列樹敷丹榮謂花也 王仲宣

藥

槭、芳葉零藥、芬花落垂落兒 盧子諒詩

歸華

歸華先委露別葉早辭風 鮑明遠

瓊藥

上山采瓊藥窮谷饒芳蘭玉英也

木蕖

木蕖芙蓉也山谷詩紅裝滿院木蕖秋

具多

巴苴

漢書注巴苴一名芭蕉

優曇花 同上見佛僧門

好行市

石竹花詩莫管金錢好行市寂寥相對是山家陸魯望詩如今莫共金錢鬪買斷秋光是此花

後庭花

蘇黃門詠鷄冠花詩云後庭花草盛憐汝繫興亡注或言矮鷄冠即玉樹後庭花

菖蒲花

菖蒲花可憐聞名不相識

藥氣

豔歌行雲楣桂成戶飛棟杏為梁斜窓通藥氣細隙引

塵光

小蓓

漸蔓墜長茸鳥花垂小蓓

摘索

陰沉天氣連翩醉摘索花枝料峭寒 林逋詩

紅髮髻

欄藥日高紅髮髻 反声李義山

酴醾

酴醾本作稊糜後又加酉

蕙香

李賀南園詩可憐日暮蕙香落嫁與春風不用媒

海金砂事 卷三十一

造紅蘭 一作欄李賀

四照花

山海經招搖山有木狀如穀而黑理其花四照

紫冠黃鈿

紫冠黃鈿網絲窠蝶繞蜂圍奈晚何注紫冠鷄冠黃鈿

黃菊 山谷詩

花精

吳越錢仁傑忠懿王之從兄酷好種花人號花精越史

御衣黃

劉貢父芍藥品為絕品第一高廣六七寸淡黃色葉端微碧細葉上聳藥散出間葉販花劉氏得此種於北方

其次黃樓子黃冠子金線髻子鮑黃玉逍遙皆絕品

會三英

會三英下品色紫或紅多葉而二頭上品三色紅

落紅滋

懷君芳歲歇庭樹落紅滋李白

破顏花

池開照膽鏡林吐破顏花李白

百兩金

本草牡丹一名百兩金又曰鼠姑

紅梨花

峽州署中有千葉紅梨花無人賞者知郡朱郎中始加欄檻命坐客賦之

海金石事 卷三十一
兒女花

種菊詩云種花莫種兒女花老大誰能逐年少

鹿蔥

風土記云鹿蔥宜男草也宜懷妊婦人佩之必生男嵇合賦序云荆楚之士號鹿蔥

艷中閑

榴詩繁中能薄艷中閑杜牧之

三春萸

心契九秋幹目翫三春萸謝靈運詩

芙蓉媒

楚辭因芙蓉而為媒

罷花

堦蕙漸翻葉池蓮稍罷花何遜詩

山琵琶

駱谷中有毒樹曰山琵琶其花明艷與杜鵑花相似樵者曰早花殺人李紳詩云澗底紅花奪火然搖風有毒愁行客

露央

飲若木之露英注花之含露英甘泉賦

春翹

翫春翹而有思注翹英也思舊賦

晨葩

晨葩朝華也補亡詩

日及花

但看日及花唯是朝可憐
檳花也施肩吾詩

綠葉紫裹

綠葉紫裹朱莖白蒂裹去声實皮也高唐賦

絳趺朱萼

白華朱萼被於幽薄白華絳趺在陵之陬補亡詩

狗脊花

施肩吾春日贈臨平湖主人云池塘已長鷄頭葉驚落

初開狗脊花

金步搖

金步搖叢生其花四出皆偶對無風常搖盖幹弱而枝

繁也

玉纓絡

其花圓潔如真珠散綴柯條

南天竹

木虛中疎節如竹春青夏碧秋丹冬紫

鉢囊花

其花生葉之上

櫻欲然

野棠開未落山櫻發欲然沈休文詩

花匣樹

開花已匣樹流鶯復滿枝上

菊有芳

蘭有秀兮菊有芳秋風詞

桃李酣

遙想故園陌桃李正酣、李義山

菊門

時菊

常恐鷹隼擊時菊委秋霜

落英

憇石挹飛泉板林拳落英拳居偃反沈休文

散金

青條若總翠黃花如散金

東籬

采菊東籬下悠然見南山陶詩

紫冠黃鈿見雜花門

菊未莎

杞菊賦云尔杞未刺尔菊未莎其如予何

制頽齡

酒能祛百慮菊為制頽齡陶詩

苦蕒

陶隱居云菊有兩種一種莖紫氣香而味甘葉可羹食者為真一種莖青而大作蒿艾氣味苦不堪食名苦蕒非真也出補注本草

陰威

陰威本草菊名

汎寒榮

罌菊汎寒榮李白

蓮門

芬陁利

梵語芬陁利此言白蓮花也涅槃經云如來之身非胎所汚如芬陁利花本身清淨故也

並目蓮

青陽樂府云青荷蓋綠水芙蓉發紅鮮下有併根藕上生並目蓮

水花

李賀水花晚色淨庶足克淹留古今注芙蓉亦名水花

雙南

王禹玉白蓮詩莫將試輕步彫刻任雙南

波頭摩華

赤蓮花也

優鉢羅花

青蓮花也

綠房紫的

芙蓉也

迭映蔚

芰荷迭映蔚蒲稗相因依

出田葉

雖無田田葉及尔泛漣漪古樂府云江南可采蓮葉

何田田 陸韓卿

卷葉荷

白樂天晴沙金屑色春水麴塵波紅簇交枝杏青含卷葉荷

梅門

南枝

六帖大庾嶺上梅南枝落北枝開

培堆

梅花詩一枝臨路雪培堆

月老

林逋梅詩任教月老須微見却為春寒得少留

玄冥節

韋莊詩不隨妖豔開獨媚玄冥節

竹門

此君

世記王子猷每假人宅必種竹人詰之曰不可一日無

此君

初篁

初篁苞綠籜新蒲含紫茸謝靈運

斤竹

謝靈運有從斤竹澗越嶺溪行詩

竹花

竹花何莫莫桐葉何離離言鳳所棲宿也范彥龍

冉冉

冉冉孤生竹結根泰山阿冉冉漸生進見阿曲也選古詩

愛竹及酒見酒門

祖竹

吳融詩祖竹定欺簷雪折稚杉應拂棟雲齊

叢篁

時佐堯詩叢篁宿鳥喧

天簾

荊州記天門角上各生一竹倒垂下拂謂之天簾

剝竹

音果割也文粹有剝竹記

亞梢

粉竹亞梢垂宿露翠荷差影聚游魚

玉差差

韓丕秋竹詩風韻曉生泉細細月華霄泛玉差差初宜切

竹籟

林逋春夕詩微風引竹籟斜月轉花陰

竹子

張廣神異經云竹子笋子出談助

竹笑

竹得風其體大屈謂之竹笑

蓑篁

六雲笑林云漢人適吳吳人設筍問何物曰竹也歸蓑其篁不熟曰吳人欺我哉談助

報竹平安

李衛公言北都唯童子寺有一窠纔長數尺公書與維網每日報竹平安

偷筍

偷筍閭閻人隔離必埋狸於家墻下明年筍自迸出一

海錄碎事 卷五十二下
本作埋猫沙門贊寧蜀謂

紫雲盖

紫雲盖慈竹也

赤玉脂

赤玉脂桃竹也

青虵枝

青虵枝苦竹也

紅鵲尾

紅鵲尾青竹也

篾席

尚書顧命曰敷重篾席孔安國曰桃枝竹

敲助客八反

蕭騷寒兩夜敲助晚風時杜牧之

貞幹臣

梁沈約修竹彈甘蔗文曰長淇園貞幹臣脩竹稽首云

蕭洒侯

溪山自是清涼國松竹合封蕭洒侯陸龜蒙

九種竹

成都出十色牋九種竹

夜鳴秋

池花春映日窓竹夜鳴秋李白詩

慈姥竹

李白有姑熟十詠姑熟溪丹陽湖陵歌臺慈姥竹望夫
山謝公宅桓公井牛渚磯

竹約

說文竹節曰約

檀欒蟬娟一綠反

檀欒蟬娟皆美兒

梢雲

無以踰言其高梢雲

慈毋竹

江圖曰江寧縣慈毋山生竹作簫笛有妙声

鐘籠

惟鐘籠之奇生兮于終南之陰崖注音鍾龍竹譜曰竹名也

雪封枝

秋潦漱其下趾冬雪揣封乎其枝揣音團

汶陽孤篠

鄒魯之珍有汶陽之孤篠

節竿勁

鮑明遠詩嚴秋節竿勁竿公旱反

碧鮮

令狐楚齊中栽竹地窓邊素壁初開見碧鮮

高苦竹

梧州思安縣多竹有黃苦竹白苦之名東越謂之高苦竹

八月春

贊寧竹譜竹根曰鞭以鞭行時八月為春二三月為秋

凡百谷皆以始生爲春熟成爲秋也

蛇祖龍孫

梅堯臣詩蛇祖龍孫生產後

龍生日

岳州風土記岳人五月十三日謂之龍生日可種竹即齊民要術竹醉日也

問訊

杜甫何將軍山林詩問訊東橋竹將軍有報書

易根

雜俎竹六十年易根則結實枯死

花復

談助竹將枯死花復乃懸

僧體盤殮

僧體盤殮惟笋味魏野詩

果實門

都蔗

曹植詩云都蔗雖甘杖之必折巧言雖美用之必滅晉張協有都蔗賦

塗林

陸機與弟書云張騫爲漢使外國十八年得塗林塗林安石榴也

含桃

含桃櫻桃也呂氏春秋注以鶯鳥所含故名之礼仲夏含桃爲寢廟

胡甘

風土記橘柚之甜美有類者謂之胡甘

木奴

李衡種柑橘千樹號千頭木奴言利博也

沙棠

前庭樹沙棠

芳藜

茂林列芳藜上並潘安仁詩

南甘北橙

在南稱甘度北則橙言生於江南則為甘而芳香種於北地則為橙枳亦猶人之變節潘安仁詩注

華果

靈囿耀華果通衢列高椅

山櫻

野棠開未落山櫻發欲然沈休文

五色瓜見枕簟門

辰日瓜

瓜宜辰日種山谷兄大臨詩云夏栽醉竹餘千个春糞辰瓜滿萬區

四剖三離

劉楨瓜賦析以金刀四剖三離承之以雕盤幕之以織締

崖蜜

鬼谷子照夜青螢也百花醴蜜也崖蜜櫻桃也

二花梨

一歲二花梨

三節蔗

一丈三節蔗

湖目

湖目蓮子也

越王頭

椰子為越王頭壺樓為杜預頸

柿七絕

俗謂柿樹有七絕一壽二多陰三無鳥窠四無虫五霜葉可翫六有嘉實十落葉肥大

蓮苞

夏雨蓮苞破秋風桂子彫張祐天竺寺詩

栗罅

風剪荷花碎霜凝栗罅開耿緯詩

傷荷藕

唐世蘇州進藕其最佳者名傷荷藕或曰葉甘為虫所傷或曰故傷其葉以長根也

綠帶金衣

宰臣賀蓬萊宮甘子結實表云綠帶含霜芳流綺殿金衣爛日色麗彤庭

梅林饒子

魏武行役失道三軍皆渴乃令曰前有大梅林饒子甘酸可解渴聞之口皆出水遂得進前

仲思棗

仲思棗長四寸五寸圍紫色亦名仙水棗

韓終李

琳園生玉李韓終嘗食之號韓終李

菱翻雞

玄都有翠水水中有菱狀如飛雞謂之翻雞菱

菱芰

武陵記四角三角曰芰兩角曰菱一名水栗一名薺

味諫

山谷謝惠橄欖詩方懷味諫軒中果忽見金盤橄欖來
想其餘甘有瓜葛苦中真味晚方回注戎州蔡次律家
軒外有餘甘余名之曰味諫

生人髮

生人髮掛果樹烏鳥不敢食其实

連二

劉貢父瑞荷詩連二彫成碧玉盤合歡裁作青油扇

鹿梨

鹿梨亦名鼠梨山梨也今人有種者其味極甘美

荆桃

荆桃郭璞云今櫻桃也

麥李

麥李與麥同熟故名

山檣

尔雅云梨山檣郭云言其在山之名則曰檣人植之曰

梨

鑽梨

尔雅植梨曰鑽梨注恐有虫故一一鑽看其虫孔也

華瓜

瓜曰華瓜注華謂半破也降于天子破破而不四析也亦橫斷之而巾以綌也礼記爲天子削瓜副之巾以絺

石阿措

崔玄微常遇數美人其一曰石阿措一曰封十八姨封卽風神石卽石榴也

土乳梨

土乳梨金鎚棗牙樣棗半斤李子皆苑帝苑中所植也

第果食名

李直方嘗第果实名如貢士者以綠李爲首楞梨爲副

櫻桃爲三甘子爲四蒲萄爲五或薦荔支曰寄舉之首

范暉以諸香品時輩侯朱虛撰百官本草皆此類也國史補

百子蓮

西王母見穆天子進素蓮一房百子拾遺記

崆峒靈瓜

明帝時燉煌獻異瓜云崆峒瓜四劫一实拾遺記

李如瓶

李少君言冥海之棗大如瓜種山之李大如瓶也漢武故事

五鬣松

海錄

卷之六

七

海錄碎事 卷五十一
松言兩粒者五粒者粒同言鬣自有一種名鬣皮無鱗
甲而結實多新羅取種世傳千歲萬頃平平偃蓋然有
數年輒偃但命根下遇石則偃耳萬頃蓋平偃耳酉陽
雜俎

草龍珠帳

具丘之南有蒲萄谷有僧遊谷食蒲萄折一枝以歸插
地遂活明年結實極盛號草龍珠帳 酉俎

木威

橄欖獨根東向枝曰木威南向曰橄欖 同上

仙朮

桃者五行之精能制百鬼謂之仙朮 荆楚歲時記

虎踏瓜

陸機瓜賦云瓜有狸首虎踏玄胥素腕之名

崑崙

崑崙蔗蔗之赤者

羊角棗

鄴中記石季龍園中有羊角棗長一尺

雞心棗

梁簡文詩風搖羊角樹日映鷄心枝已聞安邑美永茂
玉門垂

玉門棗

西王母與老子共食玉門之棗

安邑棗

魏文帝詔曰凡棗味莫若安邑御棗

杏實主穰

杏實主穰師曠占梅杏實多來年穰

三玄紫杏

南岳夫人傳仙人有三玄紫杏

文杏

西京雜記上林苑有文杏謂有文彩也

蓬萊杏

上林苑有蓬萊杏西京雜記

魁栗

又云上林有魁栗

荔枝五滋

庾肩吾謝檳榔無勞朱實兼荔枝之五滋能發紅顏類

芙蓉之十酒

青頭雞

青頭雞鴨脚也

似古賢

晉劉涓母答吳國書胡桃本生西羌外剛朴內柔甘質似古賢欲以奉貢

含消梨

三秦記漢武樊川園有含消梨

蜜筒瓜

吳淑瓜賦甘號蜜筒

桂髓瓜

又芳稱桂髓瓜

土芝

嵇含瓜賦世云三芝瓜處一焉謂之土芝

黃色瓜

吳淑甘賦黃色稱異

平蒂甘

又平蒂標奇

三玄柰

南岳夫人傳稱為西喬設三玄素柰

橘官

異物志交趾有橘官置長一人秩三百石主歲貢御橘

橘籍

吳闡澤表曰請除臣橘籍

橙橘戶

越多橘柚有稅謂之橙橘戶

黃甘守史

晉令閩中縣置黃甘守史一人

橘樹家僮

橘樹當家僮盧綸詩

綠荔枝

綠荔枝戎州所出肉熟而皮猶綠

餘甘

餘甘青實狀如山李味若橄欖生于近郊者肉脆而虛其味薄生于馬湖者肉堅而實在戎州

高聰梨

高聰爲幽州刺史以高肇黨廢于家斷絕人事唯修營園果世稱高聰梨以爲珍異

東陵瓜

邵平者故秦東陵侯秦破爲布衣貧種瓜長安城東瓜美故世謂東陵瓜

朗公橘

岩種朗公橘門深盃渡松李白隱靜寺詩

霜梨

高僧拂玉柄童子獻霜梨李白詩

白胡桃

李白白胡桃詩紅羅袖裏分明見白玉盤中看却無疑是老僧休念誦腕前推下水精珠

飲霜栗

朝來果是滄洲逸沽酒提盤飲桑栗

三十子

陸龜蒙橘詩珍重更過三十子不堪分付野人邊王僧辨嘗爲荆南得橘一帶三十子以獻梁元帝

披黃苞

披黃苞以授甘注言刺之也笙賦

鎮心瓜

南史鄭灼苦心熱以瓜鎮心刘子化詩七盤妙舞頻揮汗五色嘉瓜互鎮心

金桃

貞觀間康國獻黃桃大如鵝卵其色如金亦呼爲金桃

珠纓

凌花咀粉藥削縷穿珠纓

鴻頭

鴻頭排芡刺鵠殼攢瓊橙鴻頭芡別名

金菱銀栗

杜陽編咸通中開昌公主下嫁有金菱銀栗連珠帳却寒簾犀簾牙席蠲忿犀如意玉九鸞釵辟邪香

稜橙鄧橘

稜橙鄧橘南陽郡有稜縣鄧縣蜀都賦

大谷梨

張公大谷之梨梁侯烏桺之柿注國侯有烏桺柿代傳之閑居賦

周文棗

周文弱枝之棗房陵朱仲之李周文王時也上

沉朱實

夏李沉朱實秋藕折輕絲謝玄暉詩

火山

火山在梧州之南陽大江頂常有火光其上生荔枝四月熟

獼猴桃

洋州雲亭山生獼猴桃其甘酸食之止渴

荔枝奴

嶺表異錄荔枝過龍眼始熟故名荔枝奴言在後也亞荔枝

龍眼一名亞荔枝

閩中第一

圖經荔枝閩中第一蜀川次之

置騎

楊妃嗜荔枝明皇置騎傳送走數千里

紫粉包

蕭嵩為丞相帝以紫粉包黃甘賜之粉巾也

丁香子

明皇命方士以藥傳荔枝根得核小宮人呼為丁香子

求黃甘

魏文帝征彭城遣送九種塩并胡豉求黃甘

壺甘

崔豹古今注甘實形似石榴者名壺甘

建春山柑

東方朔云東南有建春山上多美黃甘神異經

綠蒂含霜

綠蒂含霜金衣爛日黃甘賦

分甘圖

明皇得合歡甘與宰臣分食之又令畫工畫分甘圖

金彈圓

神異山橘子大者如土瓜小者如金彈圓

璇星散

斗樞璇星散為橘柚

胡甘

本草柚酸者名胡甘

給客橙

花木志云給客橙出蜀土似橘而非若柚而香冬夏華實相繼或如彈圓或如拳通歲食之名盧橘

盧橘 見上

刻根

圖經云橄欖生嶺南閩廣木高峻不可梯刻其根下方寸許納塩于中一夕子皆落

益智

圖經龍眼一名益智言味甘歸脾而益智也

芡盤

退之詩平池散芡盤

栗如拳

上林有嶧陽栗大如拳本嶧陽都尉曾窕所貢

熨齒

韓偓禁中詩綠香熨齒冰盤果清冷侵肌水殿風

園圍門

修竹園

梁孝王有修竹園

芳甸

暄鳥覆春洲雜英滿芳甸 謝元暉

氛雜

園中屏氛雜清曠招遠風 謝靈運

花瀨

陸龜蒙自遣詩花瀨濛濛紫氣昏水邊山曲更容村終
須揀取幽棲地老桂雙成便作門

雙桂門 見上

花城

李賀三月詞東方風來滿眼春花城柳暗愁幾人複宮
深殿竹風起新翠舞衿靜如水

南圃北園

南圃無遺秀枯條盈北園

奴橘女桑

舊栽奴橘老新殺女桑肥陸龜蒙

蘭臯

蘭臯澤也蜀都賦

橙橘園

家有盜泉之井戶有橘柚之園上

瓜疇芋區

瓜疇芋區疇界埒也區畦也上

蘭唐

蹂蕙圃踐蘭唐注蘭生唐中也羽獵賦

蘭路

清蘭路肅桂苑月賦

繁園

惠風蕩繁園繁茂也殷仲文

蘭野

蘭野茂莢英顏延年

春王園

逍遙春王園躑躅千畝田晉宮閣名洛陽有春王園

芳林園

芳林園在青溪菰首橋東齊高帝舊宅

晏陰

塵事久謝絕園廬方晏陰 林逋

蘭臯

步余馬于蘭臯馳椒丘且焉止息 楚詞

桃溪李逕

顧野王詩日映桃溪色風吹李逕香

黃菊宅

羅含黃菊宅柳惲白蘋汀 李義山

青璣文具

棗圃落青璣瓜畦爛文具

海錄碎事卷第二十二下終

海錄碎事

卷第二十二

二十一

海
金
石
三

